

**PROME MINISTER
A FIRMA MOU
IMPORTANTE ENTRE
APA, JAXPORT
Y GOBIERNO DI
ARUBA**



**Fiscal a existi 14 aña di prison pa homber cu
a haci cantidad di asalto arma**

**MINISTER MADURO
TA YAMA BRITISH
AIRWAYS BON BINI
NA ARUBA**



Mientras tanto na Spaña
**MINISTER GLENBERT CROES
A REUNI CU INDRA RIBA SU
META Y VISION ENERGETICO**



**MINISTER ENDY CROES TA FELICITA
FEDERACION GYMNASTICO ARUBANO CU
SU PROME COMPETENCIA NACIONAL DI
GYMNASIA ARTISTICO**



Minister Thijsen a bishita burgemeester di Leeuwarden Sybrand Buma

Den Haag – Durante un bishita na e capital di Provincia Friesland Leeuwarden, Minister Plenipotenciario di Aruba mr. Ady Thijsen a combersa cu burgemeester di Leeuwarden Sybrand van Haersma Buma.

Durante di un introduccion Minister Thijsen a ilustra su vision y maneho den su encuentronan cu diferente municipionan (Gemeente) cu e meta pa haci Aruba y Arubahuis mas visibel na Hulanda y yega na forman di cooperacion pa cu Aruba.

Asina sr. Thijsen a puntra tocante e industria di pesca na Friesland. Riba e punto aki sr. Buma a bisa cu e waf mas grandi di Friesland pa cu pesca ta Harlingen. Pero na mesun momento ela bisa cu e industria di pesca a cambia hopi dor di regulacion di Union Europeo. Ariba dje door di Brexit, gran parti di Noordzee unda antes e piscadornan Hulandes tabata pisca a wordo cera pa piscador cu no ta Ingles. Minister Thijsen a bisa cu su interes, ta pasobra Aruba ta rondonan cu laman yen di pisca y actualmente pesca na Aruba no ta un sector di importancia. 'E piscador local ta bai cu boto chikito pa pisca y pa bin bendenan canto di playa, dus tur esaki ainda ta riba un scala hopi chikito.

Mi ta kere cu aki tin potencial grandi cu nos mester por bin na metodonan pa haci pesca na Aruba mas profesional,' asina e mandatario a bisa.

Tocante e sector di agricultura burgemeester Buma a bisa cu Friesland ta conoci pa ta un provincial cu hopi agricultura, special batata. Tambe Friesland ta domina e mercado di lechi.

di lechi mas grandi di Friesland y di mundo ta Campina. Mirando e importancia di agricultura na Friesland, Hogeschool NHL Stenden tin estudionan den ramo di agricultura masha avansa. Esaki segun minister Thijsen lo por brinda oportunidad na hobennan Arubiano cu ta desea di bai den e direccion aki y por sigi un estudio asina. Minister Thijsen: 'Aruba seriamente mester bin cu un maneho pa produci mas localmente y no depende totalmente riba importacion di fruta y berdura. Cu e conocimiento adecua y e innovacion den agricultura, mi ta convenci cu Aruba por hopi mas riba tereno aki,' asina Minister Thijsen a bisa.

Pa loke ta studia na Leeuwarden, burgemeester Buma a bisa cu Leeuwarden tin algun Hogeschool cu a atrae hopi estudiante. Motibo di esaki segun sr. Buma ta e tranquilidad di Leeuwarden y Friesland. Tambe e problema di scarsedad di camber pa estudiante ta menos cu otro ciudadnan di Hulanda.

Finalmente burgemeester Buma a bisa Minister Thijsen cu semper e ta habri pa si Aruba mester, duna e sosten nesesario unda por.

E mandatario a gradici burgemeester Buma pa esaki y tambe pa e recepcion hopi ameno. Despues a sigi intercambio di regalo como recuerdo di e bishita di minister Ady Thijsen na burgemeester di Leeuwarden Sybrand van Haersma Buma

Nota pa redaccion: E potret ta cortesía di Arubahuis



STATEN VAN ARUBA

OPENBARE BIJEENKOMST OP 30 MAART 2023 OM 14:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Inlichting door de Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening van de stand van zaken betreffende onderhandelingen inzake de Onderlinge Regeling ter vervanging van de COHO.

De Griffier,

mr.drs. Herman Ch. J. Hek



Pa kualkier informacion
solodipueblo@gmail.com

Un di e companianan

Prome Minister Evelyn Wever-Croes:

PROME MINISTER A FIRMA MOU IMPORTANTE ENTRE APA, JAXPORT Y GOBIERNO DI ARUBA



Awe dialuna 27 di maart, ta un dia grandi y importante pa Aruba. Na Jacksonville, Florida Prome Minister Evelyn Wever-Croes y Minister Dangui Oduber, despues di a reuni cu ehecutivonan di Jaxport, a firma un MoU importante entre Aruba Ports Authority (APA), Jaxport y Gobierno di Aruba cu lo contribui grandemente na e desaroyo economico di Aruba.

Prome Minister den e conferencia di prensa na

Jacksonville pa anuncia e acuerdo aki, a remarca cu dialogonan inicial cu e partner strategico a cuminsa na 2020 sinembargo pa motibo di e pandemia no por a continua. A reanuda conbersacionnan mas di un aña pasa na unda cu tawata tin un draft di e MoU cu a wordo descuti. Apesar cu Prome Minister mes no tawata parti di e conbersacionnan, el a duna su sosten completamente.

Na januari 2023 un

delegacion di Jaxport a bishita Aruba y Prome Minister tawata tin e oportunidad pa reuni cu nan. Prome Minister a expresa cu e ambiente di e reunion tawata hopi ameno y interesante cu a conduci na e conviccion cu esaki tawata e cuminsamento di algo hopi importante pa Aruba. “Y awe dialuna 27 di maart, nos ta aki na Jacksonville cu nos delegacion di Aruba pa un momento hopi importante pa firma e MoU”, Prome Minister a remarca.

Prome Minister a expresa cu pa un isla chikito situa den Caribe Hulandes cu tin lasonan comercial fuerte cu Merca, Gobierno ta considera e acuerdo aki

un paso importante pa un asociacion strategico nobo entre Aruba y Jaxport.

E beneficienan di e MoU ta multiple. Jaxport lo bira un partner strategico importante pa Aruba. Jaxport ta e puerto mas grandi di container di Florida. Lo explora oportunidadnan pa rutanen nobo di carga entre Jaxport y Aruba. Lo explora oportunidadnan pa fortifica e terminal di carga na Aruba. Lo explora oportunidadnan nobo pa rutanen di crusero. Tambe lo explora e posibilidadnan pa bunker y ofrece servicio di LNG na liñanan crusero y lo explora oportunidadnan pa rutanen nobo entre Jaxport-Aruba.

Den nomber di Gobierno di Aruba, Prome Minister a gradici e hunta di directornan di Jaxport, directiva di Jaxport y e delegacion di Aruba y Minister di Turismo, pa e milestone excepcional aki. “Mi ta gradici Mi colega Dangui Oduber pa su vision y determinacion. Aruba a haya un sla grandi di e pandemia pasobra nos ta depende di turismo. Aruba awo ta den recuperacion despues di e pandemia. Y no solamente nos kier ‘bounce bek’ pero nos kier bounce forward pa asina nos bira mas fuerte y mas resiliente. E MoU ta un stap grandi pa e crecimiento economico di nos pais”, Prome Minister a expresa

Na clausura di e conferencia

PROME MINISTER A ELABORA RIBA

RESULTADO DI E CONFERENCIA DI AWA

Nos mester tuma accion coordina awo



Prome Minister Evelyn Wever - Croes na clausura di e UN Water Conference cu a tuma luga siman pasa, a presenta resultado di e conferencia den cuadro di e compromisonan haci. Tin un cantidad di compromiso registra den e “Water Action Agenda”, pa cual ta felicita tur pais y stakeholders cu a participa y stakeholders na e gran logro aki.

Pa duna continuacion na e proceso di preparacion amplio, e dialogonan interactivo cu a tuma luga na e conferencia y tur compromiso den e “Water Action Agenda”, tin algun punto crucial cu mester accentua pa esakinan por wordo realisa exitosamente.

Entre otro, mester cambia e forma con rond mundo ta balora y maneha awa, door di reconoce awa como algo bon pa un y tur y door di fortifica e asina yama “nexus approach” pa awa, cu alimentacion, salud, ciudadnan y energia

como e catalisadornan pa sostenibilidad y desaroyo. Awa por ta un catalisador di salubridad enbes di riesgo y e base pa aumenta adaptacion di clima, mitigacion y resiliencia, y tambe pa restringi perdida di biodiversidad. Esaki por conduci tambe na bon finanzas y gobernacion, den cooperacionnan innovador cu sector publico y priva rond mundo, den un acercamento basa riba derecho humano. Ta anticipa e implementacion di tur e accionnan den e Water Action Agenda, y e paso di e Secretario-General den direccion di fortifica awa na Nacionnan Uni cu e nomicacion di un embahador pa awa / “UN Special Envoy on Water”.

Prome Minister Wever - Croes a enfatisa cu di awo en adelante, awa nunca por wordo laga afo di e agendanan, strategianan y plannan di accion di Nacionnan Uni. E mensahe aki ta encera cu mester bin siguimento /

‘follow up’ cu ta promove inclusion den diferente sector y accion.

E resultadonan di e conferencia aki, lo tin conta cu proceso di siguimento concreto den tres summit venidero esta: “The SDG Summit 2023”, “Summit of Future” na 2024 y “World Social Summit” na 2025. Y tambe a traves di e “High level political forum” anual tocante desaroyo

sostenibel, “Conference of parties” y otro procesonan di Nacionnan Uni, como tambe “Dushanbe Process”.

‘Nos a kibra e ciclo continuo di awa mundial, pero den mesun rosea mester reconoce cu awa ta e gamechanger, pues dos banda di e mesun moneda. Na caminda pa y durante di e conferencia si awa, nos a tende di varios gran iniciativa y

compromiso pa accion y cooperacion. Pa por captura tur esakinan, nos ta extende e registracion di compromiso pa Water Action Agenda te cu 1 di may 2023. Despues di esey, lo raporta riba esaki durante e Global Review di SDG6 na e High Level Political Forum 2023. Nos mester tuma accion coordina awo,’ Prome Minister a termina bisando.



STATEN VAN ARUBA

**OPENBARE BIJEENKOMST OP 30 MAART 2023 OM
09:00 UUR V.M. IN DE VERGADERZAAL VAN DE STATEN VAN ARUBA**

TE BEHANDELEN ONDERWERP

Agenda:

Presentatie ‘Nationaal Actieplan 2023-2025 Aruba’s Transitie naar een Duurzame & Inclusief Economisch Model’ door de Minister van Economische Zaken, Communicatie en Duurzame Ontwikkeling, dhr. Mr. G.B. Wever en DEZHI.

De Griffier,

mr.drs. Herman Ch. J. Hek

Mientras tanto na Spaña

MINISTER GLENBERT CROES A REUNI CU INDRA RIBA SU META Y VISION ENERGETICO



E mandatario encarga cu Energia ta na Spaña riba conseho di Hydrogen Valley Groningen, pa sostene diferente reunionnan cu stakeholders pa por concretisa Aruba Hydrogen Valley.

Den cuadro di e mision aki, ya e mandatario di Energia a reuni cu cadena hotelero Iberostar. Su hotel y resortnan tur ta wordo opera via energia sostenibel y na e isla di Mallorca, completamente riba hidrogeno.

Tambe Minister Glenbert

Croes a reuni cu Acciona Energia pa e mesun meta di realisacion di Aruba Hydrogen Valley.

A habri e siman na Spaña cu reunion cu INDRA/MINSAIT. INDRA ta un compania cu na nivel global ta lider den tecnologia, presente den mas di 140 pais na mundo cu 56 mil profesional den servicio.

INDRA su experticio y specialisacion ta riba diferente area entre otro Energia y Utilidad pero tambe riba Defensa y Siguridad, Salubridad, Sostenibilidad, Defensa



Cybernetico, Trafico Aereo y Transporte.

Sr. Leonardo Benítez kende ta e director cu ta maneha Utilidad y Energia, a duna un presentacion interesante, asisti pa Marcelo Marrino cu ta e Director di Energia.

Durante e presentacion aki a toca diferente tema entre otro di e tecnologia den tur e areanan cu nan ta domina. Na mes momento a presenta na e mandatario tur e companianan cu nan ta traha cu ne na nivel global.

A presenta na e Minister di Energia di Aruba e tecnologia cu nan ta ofrece pa sigura un miho control di uzo di awa y coriente por medio di smartmeters pa no solamente e consumidor pero tambe e compania estatal tin un miho bista y control di consumo en general.



TRABOU DI MANTENCION

Interupcion di Coriente

En conexion cu trabounan necesario, coriente lo wordo interumpi:

Diahuebs, 30 di maart 2023
8:00 AM te cu 4:00 PM

Den vecindario di:

- Shabururi (un parti)
- Cashero (un parti)
- Zumbo
- Ayo (un parti)
- Matividiri
- Santa Cruz (un parti)
- Siribana (un parti)
- Sero Pita (un parti)
- Rooi Prikichi (un parti)
- St. Lucia (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.



DANKI PA E COMPRESION

Fiscal a exigí 14 aña di prison pa homber cu a haci cantidad di asalto arma

Diabierna den Corte di Husticia a duranan oranan largo cu tratamento di e caso penal cu Ministerio Publico a cuminsa contra e dama L.A.P.(24) na estado di dos yiu y e homber A.M.B.(26). Nan ta pareha encarcela na KIA. SOLO DI PUEBLO por a compronde cu Fiscal a baha pisa riba e pareha aki. En especial e homber A.M.B., kende recien a sali for di KIA despues di su condena di 6 aña pa un serie di asalto arma. Awor Fiscal a exigí 14 aña di prison p'e, mientras cu pa su pareha L.A.P. el a exigí 4 aña di prison di cual 1 aña ta condicional.

ACUSACIONNAN

Fiscal a bisa cu contra A.M.B. tin un serie di acusacion entre otro: 11 September 2022 asalto arma riba dos persona, 1 October 2022 asalto arma riba dos persona, 4 October 2022 ladroncia for di un lugar y posesion di arma di candela, 8 October 2022 asalto arma na un cas y bay cu un cantidad di marihuana, 15 October 2022 asalto na Kibaima Gril, 15 October 2022, posesion arma y droga.

E dama L.A.P. ta wordo acusa di ladroncia na un snack riba 4 October 2022, 15 October 2022 na Kibaima Gril, 13 Augustus 2022, posesion di arma di candela.

CANTIDAD DI DEMANDA DI DAÑO

Ta asina cu tin 13 victima riba e rol di e caso. Hues a mostra cu dia di e caso pro forma, tin 7 victima a haci demanda di daño. E tabatin e demandanan aki den su man y a laga saca copia pa asina Fiscal y e abogado nan mr. Edwards y mr. Illes por a haya. Hues a mostra cu tin demanda pa: 13 mil florin, otro pa 29 mil florin, otro pa 15 mil florin, otro pa 3300 florin, otro pa 30 mil, otro pa 3600 florin y otro pa mas cu 10 mil florin.

ASALTONAN ARMA

Hues a cuminsa cu dia 11 September 2022, asalto arma na un cas na Saliña Serca. A menaza cu arma di candela y a bay cu caha di placa cu placa y documentonan importante. A.M.B. a desmenti di a haci esey. El a bisa Hues cu el a admiti tur esnan cu el a haci. Hues a bisa cu e habitantenan tabata drumi y diripiente a mira un homber dilanti nan cu arma y ta exigí placa. Tambe cu e homber lo a choca un di nan. Nan a duna descripcion di un persona di color y cabey rasta. Ta asina cu A.M.B., ta di color y tin cabey cortico. El a bisa Hues cu anterior e tabatin cabey largo pero no dread logs.

Hues a sigui cu dia 1 October 2022, na un cas den Victor Lugostraat a sosode un asalto arma y a bay cu cosnan. Hende a bisa cu e homber tabatin un arma di candela di nikkel. Un di e personanan a wordo mara cu tie reps. A.M.B. a desmenti esey tambe. El a bisa cu tin hopi revolver 38 di nikkel na Aruba. Hues a bisa cu un di e victimanan a bisa cu e ta reconoce e arma y tie reps cu a haya na cas di A.M.B. Ta asina cu a haya A.M.B. cu un revolver Caliber 38 color nikkel.

Fiscal a remarca cu Recherche na cas di A.M.B. a haya e mesun tipo di tie reps y tas

tipo Nike cu victima a declara di a mira.

Hues a sigui cu dia 4 October 2022, un asalto a sosode na un snack na Barcadera. A.M.B. a admiti esaki. Hues a bisa cu aki tambe a mira e arma di candela color di nikkel. E dia ey e partner di A.M.B., L.A.P. tambe tabata tey. Segun L.A.P., ta A.M.B. a pidi'e pa bay. El a bisa cu e no tabata sa cu A.M.B. tabatin e arma. E sa cu A.M.B. tabatin un tas cu schroefdraai. Segun L.A.P., ta ora nan tabata den e lugar, A.M.B. a saca e arma. Segun L.A.P. e tabata sa cu A.M.B. tabatin un arma pero nunca a mira esaki.

DAMA FILMA TA TIRA

Hues a bisa cu tin video den cellular caminda ta mira L.A.P. ta tira. Segun L.A.P. e tabata cu un grupo y e tabata burachi y a tira cu un arma pero di otro persona. Esey a sosode den un mondi. Fiscal a mostra cu por scucha e stem di A.M.B. ta bisa "Buta Awor" y e ora ey L.A.P. a tira.

Hues a sigui cu dia 8 October 2022, un asalto arma a sosode na un cas den Macubaristraat na famia G. A.M.B. a admiti di tabata cu un otro persona pero Recherche a lag'e liber. Na e cas tin diferente apartamento. En total 3 apartamento. A menaza hende cu arma di candela y mara hende cu tie rep. Segun A.M.B., nan a horta 1 liber di marihuana cu el a cumpra. El a paga 1500 florin pero a haya un parti so. E dia ey el a dicidi di bay busca su droga. El a coy 2 liber di marihuana. Hues a bisa cu e persona a haci denuncia di un cantidad di joyas. A.M.B. a desmenti esey. Segun A.M.B., si ta asina lo a haya esakinan na su cas. Na su cas a haya resto di e lote cu el a horta. El a admiti di a maltrata algun persona. El a bisa cu a dal un, un wanta y tambe a dal cu e cabo di e revolver. Hues a cuestiona e forma di actua di A.M.B. Segun A.M.B. tur e hendenan di famia G. ta meti den droga.

Hues a puntr'e unda el a haya e arma di candela. Segun A.M.B. el a cumpra e revolver for di un paisa pa 1300 florin.

Hues a sigui cu dia 15 October 2022, tabatin un asalto riba e homber C. caminda a bay cu documentonan. A usa violencia. A dal e homber cu un bara di heru. Esaki a sosode 3'or di marduga. E homber C. tabata den auto y A.M.B. a kibra glas di auto. Segun A.M.B. e homber debe placa na un hende cu tabata sera den KIA. El a tapa su cara y bay cobra e homber. El a bisa cu e dia ey e no tabata arma. El a bisa cu el a bringa cu e homber pero no a bay cu nada for di e homber. Segun A.M.B. su intension tabata pa spanta e homber y pa e paga. El a bisa cu el a dal e homber cu e hero na su schouder. E dama L.A.P. tambe tabata presente. El a bisa Hues cu el a hala un banda ora nan a bringa. Segun L.A.P., e tambe mester a tapa cara pa evita cu e homber lo reconoce. Hues a remarca si esaki no ta wordo considera un atraco.

E mesun dia 15 October 2022, Polis a haci investigacion na e cas unda A.M.B. y L.A.P. tabata keda y a haya cantidad di marihuana.



Segun A.M.B. esey ta resto di e 2 liber cu el a coy na cas di Geerman. Segun A.M.B. e tabata usa marihuana. L.A.P. a bisa Hues cu e tabata usa pero e tempo ey no mas.

CABA DI SALI DI KIA Y BOLBE HACI ASALTONAN

Hues a mostra cu A.M.B. no ta desconoci. E tabata sera 6 aña pa cantidad di asalto y apenas a sali liber y ta bolbe haci mesun cos. Hues a puntra pakico A.M.B. ta bolbe cay. Segun A.M.B., tur cos tabata bayendo bon y e tabata traha cu su tata. E no sa kico a pasa cu el a bolbe cay. Segun A.M.B., e ta hopi desapunta di su mes. Hues a remarca cu A.M.B. ta hinca su partner tambe den e casonan. Hues a mostra cu A.M.B. ta bay bende droga y ta fia placa.

A.M.B. a bisa Hues cu awor el a cambia mirando cu e ta bay bira tata. El a bisa cu ora e sali e lo bay biba na Hulanda. Hues a mostra cu L.A.P. tampoco ta desconoci. El a yega di wordo castiga caba. Hues a puntr'e pakico el a bay cu A.M.B. Segun L.A.P., el a bay pasobra A.M.B. ta rabia y e no a pensa riba e consecuencia. Hues a bisa cu e no ta compronde esey pasobra e sa cu A.M.B. tabata sera 6 aña.

FISCAL A BAHÁ PISA

Fiscal a cuestiona e hecho cu A.M.B., kende por cierto el a condena pa e cantidad di asaltonan anterior, apenas a sali for di KIA y ta bolbe haci mesun cos. El a cuestiona e hecho tambe cu e pareha di A.M.B., L.A.P. tambe ta mesun cos. Fiscal ta haya cu tur e asaltonan aki ta causa sentido di inseguridad den comunidad. Tambe el a cuestiona e hecho cu A.M.B. tin arma di candela. Fiscal a exigí 14 aña di prison pa A.M.B. Pa e dama L.A.P. el a exigí 4 aña di prison di cual 1 aña ta condicional cu un tempo di prueba di 3 aña.

Hues despues di a scucha defensa di e abogado nan, a sera tratamento di e caso. El a bisa cu e ta bay studia e caso y dia 14 di April lo tin sentencia.


Coleccion di potret di Frater awo tambe disponibel via Coleccion Aruba

Mihor conoci como e “fraternan”, e Fraters van Tilburg tabata traha den Caribe pa decadanan largo, y a saca hopi potret di entre otro Corsow, Boneiru, Surnam, Aruba, Trinidad y Guyana Frances y Ingles. Un parti di e coleccion “Herencia di Caribe” di e fraternan ta disponibel online via e website di e museo di e ciudad di Tilburg desde 2018: <https://stadsmuseumtilburg.nl/collecties/>.

Entrante fin di Maart di 2023 tur potret for di e coleccion di Fraters cu ta trata di Aruba tambe ta parti di Coleccion Aruba: <https://coleccion.aw/fraters>.

“Dentro di e Proyecto Coleccion Aruba nos ta trahando duro pa pone tur ‘pida di e puzzel’, tur parti di nos herencia di Aruba, di nos cultura, di nos historia, disponibel un solo caminda online. E coleccion di Fraters van Tilburg ta un di e tesoronan fotografico di e herencia di Aruba y di Caribe”, segun Peter Scholing, cu ta responsabel pa digitalisacion, coleccionnan digital y investigacion na Biblioteca Nacional Aruba (BNA). “Desde 2019 BNA tin su propio coleccion digital online, cu a crece te casi 50 mil items. Na 2022 coleccion aki a forma e base di Coleccion Aruba, un iniciativa nobo, cu tin como meta pa uni tur coleccion documental, historico y cultural na Aruba y di Aruba. Aparte di BNA Coleccion Aruba tin como partnernan fundador: Archivo Nacional Aruba (ANA) y UNOCA. Mientrastanto diferente partner local a join a e iniciativa aki, manera Museo Arkeologico Nacional Aruba (MANA) y Stichting Monumentenfonds Aruba.”

“E colaboracion cu Stadsmuseum Tilburg riba e tereno di e coleccion di e fratenan ta pas hopi bon den nos vision mas grandi, pa conecta no solamente e coleccionnan cu ta riba nos isla mes, pero tambe trece e coleccionnan cu no ta fisicamente na Aruba ‘bek den nan contexto original’ digitalmente, den e Coleccion Aruba. Recientemente, colaboracionnan y intercambionan asina a tuma lugar cu entre otro e Koninklijk Huisarchief y cu Koninklijke Bibliotheek. Nos ta spera cu nos



por anuncia mas colaboracionnan asina cu instancianan Hulandes pronto.”

“E colaboracion aki pa cu e coleccion di e Fraternan tabata un deseo pa basta tempo caba, y mi ta hopi contento cu nos a logra finalis’e, hunto cu Stadsmuseum Tilburg y Erfgoed Brabant! Nos kier gradici Petra Robben, Rien Vissers, Cris Kremers y e Fraters van Tilburg pa nan permiso y pa e cooperacion,” segun Scholing.

Petra Robben, curator di e Stadsmuseum Tilburg: “Mi ta sumamente contento cu e herencia cultural, for di nos database, ta yega un publico hopi mas grandi na Aruba, via Coleccion Aruba. Dor di ‘primi un solo knopi e conocimiento di nos coleccion ta bira mas grandi, djies pa via di un intercambio di data” Rien Vissers, archivista di Fraters CMM: “E archive central di e Fraters van Tilburg (CMM) ta hay’e hopi special, cu e coleccion di potret di e fratenan, cu a biba y a traha na Aruba pa hopi tempo, awo ta disponibel via Coleccion Aruba. E ta un honor pa asina keda forma parti di e historia di Aruba.”

Pa mas informacion di e coleccionnan digital di Coleccion Aruba y di BNA, of pa colabora: t

**Pa abona na
SOLO DI PUEBLO**

**Yama
585 9500
of manda nos un
e-mail na
solodipueblo@gmail.com**

**Entrega tur dia te den
bo port'i cas**

MINISTER ENDY CROES TA FELICITA FEDERACION GYMNASTICO ARUBANO CU SU PROME COMPETENCIA NACIONAL DI GYMNASIA ARTISTICO



Fin di siman cu a pasa, Federacion Gymnastico Arubano a organisa pa prome biaha un competencia nacional di gymnasia artistico. Diasabra mainta, Minister di Deporte Endy Croes tabata presente na e apertura di National Artistic Gymnastics Competition na Centro Deportivo Betico Croes y a duna un breve discurso. Actualmente, tin tres club di gymnasia na Aruba: Avanse, Gihae Gymnastics y Perla Gymnastics. Dia 25 y 26 di maart 2023, e tres clubnan aki a competi pa prome biaha contra otro den diferente categoria. A trece tres (3) hurado di Colombia cu amplio experticio

den gymnasia pa scoge e finalistanan y ganado absoluto di cada categoria. Tabatin un cantidad di invitado presente cu a bay duna sosten na e concursantenan. Minister Endy Croes ta aplaudi e esfuerzo inmenso cu a haci pa arma ful e luga na Centro Deportivo Betico Croes y dividie den diferente seccion. Minister Endy Croes ta felicita presidente di Federacion Gymnastico Arubano Sra. Milly Bagheri-van Trigt y directiva cu a organisa e gran evento aki. Ademas, ta aplaudi e tremendo trabou di e club-, mayor- y atletanan. Minister Endy Croes ta aplaudi e finalistanan y ganado absoluto di cada categoria!



MINISTER MADURO TA YAMA BRITISH AIRWAYS BON BINI NA ARUBA



Diadomingo atardi, Minister Maduro representando Minister President di Aruba, a yama e aerolinea Ingles British Airways 'Bon Bini' na Aruba. Despues di varios aña di trabou, a logra pa Aruba bira un destinacion riba e ruta di British Airways den Caribe. Aruba ta bira e promer Pais den Caribe Hulandes pa haya e coneccion directo aki cu Reino Uni.

British Airways lo bishita Aruba dos biaha pa siman. Riba diahuebs y diadomingo, nos Pais lo ta conecta cu London-Gatwick facilitando turismo fo'i Reino Uni pa Aruba. Di nos Pais lo tin coneccion via London cu ta habri porta pa nos pa otro destinacionnan den Europa.

Minister Maduro ta felicita colega Minister

Dangui Oduber cu e logra bunita aki pa nos Pais, y ta gradici y felicita Aruba Airport Authority y ATA pa tur e esfuerso di añanan largo pa yega na e momento bunita aki pa Aruba.

Den su discurso Minister Maduro a enfatisa cu e logro aki ta pone Aruba den e prome fila como destinacion den Caribe y tambe como un hub pa otro destinacionan. "Let's keep working together, paving the path to many more accomplishments for our island."

Finally, I would like to say in Papiamentu, our native language, Danki pa kere den Aruba. Thank you so much for believing in Aruba," tabata e palabranan cu Minister Maduro a caba su discurso cune pa yama 'Bon Bini' na British Airways na Aruba.



Biblioteca ta buscando miembro nobo



Biblioteca Nacional Aruba a anuncia su campaña pa mucha y hoben. E grupo aki por miembro di biblioteca completamente gratis. Pa baby tin regalo te hasta. Baby nan cu ta bira miembro nobo na biblioteca ta haya un maletin regalo cu 2 buki.

BoekStart ta un proyecto pa laga baby of peuter cera conoci cu buki hunto cu su mayor. E iniciativa aki tin como meta pa laga mayor y e chikitan cera conoci cu lesamento. Lesamento den bos halto pa baby ta stimula e desaroyo di idioma. Ta recomendabel pa cuminsa desaroya e

cultura di lesamento na cas di trempañ.

Mayor di baby di 3 luna te 2 aña di edad por inscribi nan yiu na biblioteca (Playa of San Nicolas) y nan ta ricibi un maletin chikito cu ta contene 2 buki. Un ta di tela y material suave specialmente desaroya pa un baby por hunga cu ne. E maletin chikito ta un regalo hunto cu e miembrecia gratis. Biblioteca ta ofrece un coleccion grandi di buki di prenchi pa baby y mucha chikito. Biblioteca ta duna e maletin di BoekStart tanten cu tin.



Aruba Bank ta reconoce a su empleado superior pa luna di februari

Aruba – 28 de marzo de 2023 – Pa Aruba Bank e empleado ta central ora di priminti e clientenan “Un Experiencia Superior”. Cu esaki den mente Aruba Bank ta nomina un empleado ehemplar tur luna.

Joel Ras ta conoci pa haci su maximo esfuerzo pa brinda momentonan superior na tur cu ta bishita Aruba Bank y haci uzo di servicio di banco.

El a ser selecciona como empleado

superior pa luna di februari pa brinda un servicio superior na clientenan den su area di trabou. E ta desplega gran empatia y conocimiento amplio den su area di trabou.

Aruba Bank ta felicita y gradici tur e membernan di e famia di Aruba Bank cu a wordo nomina pa yuda brinda tur client “Un Experiencia Superior”. ¡Pabian Joel!



TRAHANDO HUNTO PA SEGURIDAD NACIONAL DI PAIS ARUBA



Den ultimo siman nan tabata tin combersacionnan entre Altocomisario di Cuerpo Policial Aruba Sr. Arnhem y Comandante di Mareniers Kazerne Savaneta Sr. Van Wijk. Den e combersacion aki nan a explora huntu con

pa renoba y re-establese e colaboracion entre Cuerpo Policial Aruba y Defensa Hulandes cu ta dirigi Marina Real na Mareniers Kazerne Savaneta cu a keda para pa un tempo.

Pa promove e seguridad di nos pais, KPA ta pone

enfasis na desaroyo nobo di coalicion di seguridad y como tambe reforsa e lasonan existente den e proximo añanan. Defensie, Marina Real tin diferente tarea den diferente area pero e acepto di seguridad di Pais Aruba ta keda nan prioridad di mas halto. Den esaki Altocomisario Sr. Arnhem huntu cu Comandante Sr. Van Wijk tin intencion serio pa traha mas huntu. Marina Real abase di peticion lo brinda sosten na KPA y lo yuda reforsa diferente operacionnan policial si ta necesario.

"Defensie, Marina Real ta un tremendo partner cu tin experto riba nan tereno y ta uza materialnan inovativo. E colaboracion aki por ta hopi beneficioso pa combati crimenen nan specifico, pero tambe pa mehora nos profesionalismo. Nos por siña for di otro, entrena, traha huntu y consulta cu otro den operacionnan specifico" tabata palabranan di altocomisario Sr. Arnhem

Ademas ambos kier a invita e comunidad di

Aruba pa e Opendag di Mariniers Kazerne Savaneta cu lo tuma lugar dia 1 di mei venidero. E dia aki KPA tambe lo ta presente. Sr. Arnhem ta bisa cu ta hopi importante pa tin encuentronan asina pa comunidad por

conoce nan mas di serca y como tambe brinda e oportunidad pa pueblo por experiencia e bunita trabao cu cada tin di ofrece. Tambe e ta un oportunidad pa haya futuro militar y polisnan.

HACI PAGO DI ABONEMENT ONLINE

TA POSIBEL:

APRECIABLE CLIENTELA, SI BO TA DESEA DI HACI E PAGO DI ABONEMENT ONLINE, E TA POSIBEL:

ESAKI TA NOS CUENTA:

SUNMAX PRINTERS - STA. CRUZ 110

BANCO: RBC

NUMBER DI CUENTA: 7700000100152447

DI ANTEMANO,
MASHA DANKI.

SOLO DI PUEBLO



CUERPO DI ADUANA TA CONTA CU 15 ADUANERO NOBO CU A PASA E CURSO DI 'KOMMIES DER INVOERRECHTEN EN ACCIJNZEN'



Diabierna pasa, Minister di Finansa, tabata presente na e ceremonia di graduacion di 15 Aduanero cu a caba e curso 'Kommies der Invoerrechten en Accijnzen'. Un curso modernisa pa e grupo di Aduaneronan cu a cuminsa na aña 2021.

E curso aki no tabata facil ya cu durante 16 luna, nan mester a studia y traha pareu pa siña y cera conoci cu e trabounan di Aduana bou di guia di Aduaneronan experencia. 'Cursista, cada un di boso mester ta orguyoso di e certificado cu boso a ricibi, pasobra esaki no ta solamente un muestra cu boso a caba e curso, sino tambe muestra di disciplina, perseverancia, sacrificio y esfuerso cu boso a haci,' ta palabranan cu Minister di Finansa a trece dilanti

den su discurso.

Nos Cuerpo di Aduana tin 15 Aduanero nobo. Mirando cu economia di Pais Aruba ta

recuperando y tin mas inversion y cune mas importacion, ta pone cu Cuerpo di Aduana tambe mester ta miho prepara pa e trabounan diario di Aduana. E mandatario tin tur confiansa cu e hoben Aduaneronan cu awe ta gradua, lo sigui capacita nan mes pa asina por brinda un bon servicio na comunidad di Aruba.

Na nomber di Gobierno di Aruba, Minister Maduro

di Finansa ta felicita Jean Britus, Joskermin Comas Andujar, Boutros Frangie, Billiardo Galvis Lozano, Le-Andro Kock, Eileen Koolman, Roland Lacle, Kay-Shaun van der Linde, Anthony Rasmijn, Lishenco Scholtz, Ariathne Tromp y Cathline Wernet. Un pabien special ta bay na e miho graduadonan cu ta July Saenz Marin, Victor Fingal y Jeanny (Shani) Binda. Masha pabien cu e

bunita logro aki.

Boso conocimiento y trabou ta di masha importancia pa Pais Aruba ya cu esaki ta yuda genera entrada pa finansa di Pais Aruba. Nos ta spera cu esaki ta e comienso di boso carera y cu boso por keda mesun bon motiva pa sigui engrandece boso conocimiento di e trabou di Aduana na bienestar di Aruba.



Minister Rocco Tjon: A INICIA CONGRESO DEN CUADRO DI PROYECTO DI PLAN DI MAYOR



Diaranson mainta, Minister di Husticia y Asuntonan Social Sr. Rocco Tjon, a habri e congreso den cuadro di proyecto di plan di mayor. Durante e congreso aki, varios experto den e tereno social lo comparti informacion pa loke

ta trata aspectonan importante pa mayornan y mucha ora ta trata e tema di divorcio. Tur esaki den cuadro di e ley "voortgezet ouderschap" cu probablemente lo wordo trata den Parlamento e aña aki ainda.

Manera ta conoci, e congreso ta wordo organisa den un siman caminda tambe a brinda diferente otro opleiding importante na profesionalnan den e sector. Asina a percursa pa "leid op" 46 docente como "kies coach", di cual dos grupo tawata pa e categoria di edadnan entre 6-12, y un grupo pa e categoria di edadnan entre 13-18. Banda di esaki, 13 profesional a haya training den "familie mediation".

E motibo pa cual a lanta e proyecto di plan di

mayor, ta e introduccion di e ley "Wet Bevordering Voortgezet Ouderschap en Zorgvuldige Scheidingen op Aruba". Parti di e ley aki ta e formacion di acuerdonan entre otro pa loke ta trata e cuido y maneho di e "ouderschapsplan", pues a base di e ley aki ta enfatisa e importancia di educacion y formacion di nos profesionalnan.

E proyecto di plan di mayor, ta posibel danki na e gran cooperacion y dediciacion di e miembronan di e comite di plan di mayor esta;

Michella Steenvoorde-Laclé, Bert Wielenga, Aisca Berkemeyer, Sacha Geerman, Yvonne Bermudes, Magaly Maduro, Sylvie Eman, Luc Alofs y Desiree Helder.

Por ultimo e Mandatario a gradici e profesionalnan cu ta miembro di e comite di plan di mayor, pero tambe a gradici colega Minister di Husticia y Siguridad di Hulanda Sra. Dilan Yeşilgöz-Zegerius, pa e tremendo colaboracion pa por haci e proyecto aki uno posibel.

Donacion special pa biblioteca hubenil



Artista visual Steffen Maas a duna biblioteca diferente pakete di wega pa mucha. Weganan cu Steffen a crea. Cada pakete ta consisti di un wega di domino, un wega di memory y un wega di

kwartet. E imahennan ta e mesun cu a publica den 'Mi buki di Aruba'. Mi buki di Aruba ta ofrece muchanan di Aruba imahennan reconocibel di nan mes contexto cultural y medio ambiente.



E weganan ta ofrece imahen riba diferente topico, manera cuminda y custumber di Aruba, naturalesa y paisahe di Aruba. E wega 'ArubABC' ta mustra varios parha, fruta, mata, instrumento musical, sitionan y monumentonan conoci di Aruba. E material ta mashacolorido y atractivo. Mucha ta reconoce e imahennan facil y alabes ta siña lesa leter, e palabra of nomber. Steffen Maas a

crea e weganan enfocando riba mucha mas jong cu ta siña lesa, pero por usa e weganan pa mucha di tur edad y tambe den klas.

Banda di produci e publicacion 'Mi buki di Aruba' tabata Steffen su meta pa desaroya materialnan adicional pa complementa e buki, por ehempel weganan di grupo, buki di ehercicionan y aplicacion digital como metodo di enseñansa.

Pa por a ehecuta e proyecto ABC, Steffen Maas a ricibi un subsidio di Prins Bernhard Cultuurfonds Caribisch Gebied (PBCCG). E proyecto ta wordo apoya door di 'World Literacy Foundation'.

Pa conoce e proyecto completo por bishita <https://www.abcbooks.org/news>

Minister Geoffrey Wever

Website nobo pa informa consumidor di nan derecho



Cada un di nos ta un consumidor. Cada bes cu nos bai un tienda, un supermercado of otro negoshi pa cumpra un producto of servicio nos ta un consumidor. P'esey ta importante cu nos sa kico ta nos derecho y tambe unda como consumidor nos por haya informacion riba esaki.

Minister Geoffrey Wever hunto cu Servicio na Defensa di Consumidor a lansa un website nobo cu ta contene informacion amplio y relevante pa tur consumidor di Aruba.

Meta di e website ta brinda informacion y apoyo na e consumidor ora ta desea sa mas riba - entre otro - e compra, obligacion di e bendedo y obligacion di e comprado. Esaki lo contribui pa nos consumidornan bira mas consciente y critico. Ta importante observa cu ley existente, nos Burgerlijk wetboek of Código Civil, ta duna e proteccion necesario na e consumidor, e consumidor no sa tur ora su derecho y tampoco ta wordo mustra riba esaki.

Cada compra di un producto of servicio ta contribui pa pusha nos economia. P'esey ta importante pa brinda informacion y apoyo nan tur consumidor, pa asina cada uno bira mas consciente y critico, mi ta sigur cu e website nobo lo ta un stap pa nos logra nos meta segun minister Geoffrey Wever.

Minister Geoffrey Wever ta invita tur consumidor pa bishita e website na <https://sedeco.aw/pa/home-pa/>. E website ta disponibel den papiamento y hulandes.

10 scol di SKOA a participa na e simulacro di Caribe Wave 2023

Oranjestad, Aruba: Tur aña ta tuma luga un simulacro di calamidad na Aruba caminda diferente departamento y organisacion ta participa a base di nan plan di siguridad. E meta di esaki ta pa prepara pa cualkier tipo di calamidad manera entre otro tsunami, horcan, candela grandi cu por sosode ariba nos isla. E aña aki un total di 10 scol y e oficina di SKOA a participa na e Caribe Wave, caminda a practica e simulacro ora tin candela den e edificionan.

SKOA como e organisacion di educacion di mas grandi na Aruba a traha ariba un "School Safety Plan" desde aña 2019 pa tur su scolnan. Bou di guia di BRA a ricibi un curso intensivo caminda a reuni un total di 10 biaha, prome cu a skirbi e "School Safety Plan". SKOA ta e unico organisacion di educacion cu tin un plan di siguridad en conexion cu calamidad pa nan scolnan. E meta principal pa tin un plan di siguridad, pa e scolnan, ta pa prepara tur maestro y alumno ora un calamidad sosode na e scol. Scolnan di SKOA ta prepara pa situacionnan di candela, "school-shooting" y otro calamidad di naturalesa.

SKOA lo continua na participa na e simulacronan aki anualmente pa asina keda mantene e plan di siguridad aki den practica y relevante pa tur nan scolnan. E meta di esaki ta pa garantiza e siguridad di tur alumno y tambe maestro di e scolnan aki.

Si ta desea mas informacion di SKOA por bishita nos website www.skoa.aw of por yama nos directo na (+297) 523 1800 durante orario di oficina.



Minister Geoffrey Wever: Presentacion di proyecto di Carbon Trading pa Aruba



Den cuadro di e meta pa diversifica economia di Aruba y crea un desaroyo mas sostenibel, minister Geoffrey Wever a ricibi un presentacion di parti di Metabolic Foundation. Den e presentacion Metabolic Foundation a comparti e plan pa sondea oportunidadnan pa Aruba den e mercado di carbon trading.

E proyecto ta lidera pa sra. Christie Mettes, experto den diferente tema relaciona cu sostenibilidad. E proyecto lo haci uzo di “remote sensing” pa estima cuanto oportunidad di captura carbon dioxide (CO2) tin na Aruba den diferente areanan. Tambe lo analisa e diferente metodonan cu tin potencial pa spaar of reduci CO2 por medio di diferente tecnologia cu tin actualmente pa energia renobabel.

E resultado di e analisis lo estima cuanto carbon lo por spaar den un periodo a termino largo y cuantificando esaki lo duna un indicacion di e balar cu e CO2 lo por tin riba mercado boluntario internacional.

Na 2021 e mercado internacional tabata tin un balar di 1 bion USD y ta

premira di lo por yega un balar di 15 bion na 2030. E mercado aki ta hayando mas y mas atencion door di sistemanan obligatorio y boluntario cu companianan ta forma parti di dje. E sistemanan aki tin como meta pa cumpli cu e Acuerdo di Paris di baha nivelnan di CO2 mundialmente.

Manera a wordo comparti anteriormente, compra y benta di carbon credits ta pasa entre negoshinan cu ta buscando pa cumpra CO2 paso nan ta den un estructura legal cu ta obliga nan di baha nan emision di CO2 gradualmente. E benta y compra di CO2 por tin hopi beneficio financiero pa Aruba, unda e ganashi por wordo uza pa inverti den proyectonan sostenibel. Proyectonan manera di solar panels y asina baha costo di bida. E proyecto aki ta un esfuerzo pa explora modelonan economico nobo cu lo por diversifica entradanan pa pais Aruba. E estudio lo wordo finalisa den un termino di dos luna, unda lo comparti e resultadonan y consehonan cu pueblo di Aruba. Abase di e resultadonan lo determina e siguiente pasonan di accion.

Corte di Prome Instancia 30 maart 2023

Horario	Sospechoso	Acto Castigabel
14.00	C.S.A.	Pro forma. A. ta wordo acusa di ladronia cu violencia di un suma di placa, propiedad di un persona, riba 5 di december 2022, dor di dal e mokete den cara, boter riba cabez y bise cu e tin un cuchio den un tas. E ta wordo acusa di ladronia cu violencia di un suma di cen di un persona riba 24 di november 2022, dor di tene un cuchio na su garganta, bise: “I’m going to kill you” y pa e entrega su placa y dal e cu un pida palo na su cara y cabez. A. ta wordo acusa di a intencionalmente maltrata un persona cu un arma riba 11 di mei 2022, dor di dal e varios blaha cu un machete y/of palo na su orea of pols of garganta.
14.00	A.J.H.R. K.K.A.A.S.	Pro forma. R. y A.S. ta wordo acusa di asesinato di un persona riba 4 di december 2022, dor di los tironan cu un of mas arma di candela y/of dal e y hinke cu machete na su curpa. Nan ta wordo acusa di posesion di un arma di candela riba 4 di december 2022.
14.00	C.F.K.	Pro forma. K. ta wordo acusa di a intencionalmente maltrata un persona riba 10 di december 2022. E ta wordo acusa di a menaza dos persona cu morto riba 10 di december 2022, dor di bisea nan: “Mi ta bay kima boso tur akiden”. E ta wordo acusa di a destrui un telefon y un bentana riba 10 di december 2022.
14.00	A.R.G.	Pro forma. G. ta wordo acusa di posesion di un arma di candela den e periodo entre 9 y 10 di december 2022.

Corte di Prome Instancia 6 april 2023

Horario	Sospechoso	Acto Castigabel
08.30	V.S.E.E.	E. ta wordo acusa di poseison di cocaine riba 17 di november 2022.
09.00	E.J.L.	L. ta wordo acusa di tabata hiba un casino ilegal den e periodo di prome di augustus 2020 te 7 di juli 2021.
10.00	H.H.J.R.	R. ta wordo acusa di venta y posesion di hennep den e periodo di 2021 te 4 di januari 2023.
10.45	A.C.J.V.A.	V.A. ta wordo acusa di a menaza dos agente policial riba 26 di maart 2022 cu un baranca, dor di bisa nan: “Boso ta haci dimas y ta bay hode” y di a resisti detencion.

11.10	A.H.V.	H.V. ta wordo acusa di a maltrata un persona riba 2 di mei 2022, dor di dal e y scop e varios blaha.
11.40	C.Y.R.G.	R.G. ta wordo acusa di a falsifica un permiso di estadia, un ID Arubiano y un paspoort Venezolano di 26 di juli 2021 te 11 di mei 2022.
13.30	R.d.J.B.V.	B.V. ta wordo acusa di a menaza un persona cu un arma di candela riba 5 di juni 2021. E ta wordo acusa di posesion di un arma di candela riba 5 di juni 2021 y di posesion di cocaína y marihuana riba 15 di maart 2022.
14.00	M.A.M. J.S.R.	M. y R. ta wordo acusa di desfalco di un suma di 142.528 florin y 50 cen di su doño di trabao den e periodo di prome di mei 2021 te 30 di november 2022.
15.00	G.H.R.E.	E. ta wordo acusa di kiebroy ladronia di airconan riba 9 di augustus 2022. E ta wordo acusa di ladronia di un boter di bebida den un supermarket riba 4 di augustus 2022.

Corte di Prome Instancia 13 april 2023

Horario	Sospechoso	Acto Castigabel
08.30	S.M. E.L.B.B. E.A.C.R. J.M. E.J.S.M.	E sospechosonan aki ta wordo acusa di importacion di marihuan riba 30 di december 2022.
09.15	K.L.J.T.	T. ta wordo acusa di a maltrata un persona riba 18 di mei 2021, dor di dal e y gare na su garganta y tene.
09.45	L.J.A.G.	G. ta wordo acusa di menaza cu morto riba 7 di augustus 2021
10.15	C.R.E.M.	M. ta wordo acusa di intento di homicidio y maltrato cu arma riba 13 di december 2021.
11.15	A.C.B.	B. ta wordo acusa di a destrui bentana di un tienda riba 20 di september 2022. E ta wordo acusa di a destrui porta di glas di Setar riba 20 di september 2022. E ta wordo acusa di a maltrata un persona riba 27 di november 2021, dor di tire cu un boter y un piedra.
13.30	A.J.P.	P. ta wordo acusa di ladronia di laptop di un turista den camber di hotel riba 18 di maart 2022.

14.00	L.R.A.L.	L. ta wordo acua di kiebroy ladronia den un cas di un bom di gas riba 26 di augustus 2022. E ta wordo acusa di kiebroy ladronia den un cas di tubo di koper riba 2 di september 2022.
14.30	K.G.B.	B. ta wordo acusa di un tas di Louis Vuitton y otro propiedadnan di un persona riba 12 di juli 2022.
15.00	M.A.R.	R. ta wordo acusa di stalking di un persona den e periodo di september 2021 te oktober 2021.
15.30	A.S.	S. ta wordo acusa di a intencionalmente maltrata un persona riba 13 di februari 2021, dor di dal e varios blaha na su cara y braz,



Atracado a resulta di ta un ladron di Whiskey

Caya Betico Croes: Diadomingo den careda di 9'or di anochi, doño di New Tarabana Supermarket a core sali pafo tur desespera gritando cu nan lo a atrak'e. Mesora a pidi pa presencia di polis.

Na momento cu polis a yega, nan a bin compronde cu no tabata trata di un atraco arma pero un homber a drenta den e Supermarket ya sali bay cu un botter di Whisky Old Parr bay cu ne. E homber a subi den un Nissan March ya bay direccion panort. Polis na e sitio a tuma declaracion di e Chines y despues a sigui su caminda.



Inscripcion pa curso di PDG na IPA ta habri



E curso di Certificacion Pedagogico Didactico (PDG) ta un curso parcial pa e profesionalnan cu kier ta competente den e profesion di docente of educador. Pa medio di e curso di PDG e profesionalnan

por desaroya competencia pedagogico y didactico. Graduado di PDG por duna un materia na enseñansa profesional y scol avansa. E curso tin un duracion di entre 18 luna y 2 aña. E cursista lo haya les

dos biaha pa siman na Instituto Pedagogico Arubano (IPA). Banda di esaki lo tin tarea pa haci na cas, na scol, online y tarea practico. E curso di PDG lo cuminsa na september 2023. Tin dos grupo di participante cu por haci e curso di PDG:

1. maestro cu ta traha no-certifica, esta 'onbevoegd' den enseñansa avansa e.o. EPI y MAVO.
2. profesional di otro sector e.o. empresa of instancia cu no ta enseñansa, cu tin interes y motivacion pa

sa mas di e profesion di educacion, y cu kier traha riba nan conocimiento y habilidad pedagogico didactico. Pa e grupo di profesional aki PDG ta un rekisito pa drenta sector di enseñansa. (minimale diploma toelating ta HBO). Bo ta cumpli cu e rekisitonan menciona y ta desea di ricibi e Certificacion Pedagogico Didactico cu IPA ta ofrece? Bishita www.ipaaruba.com, bay na aanmelden y scoge pa PDG y sigui e instruccion. Ora ta bay pa yena e for-

mulario digital, mester tin PDF di diploma(nan) y lista(nan) di cifra 'gewaarmerkt' pa agrega esakinan na e formulario. E ultimo dia pa inscribi ta 31 di mei 2023. Despues di e fecha aki no por inscribi mas pa aña academico 2023-2024.

Pa mas informacion por bishita nos website www.ipaaruba.com of pagina di Facebook 'Instituto Pedagogico Arubano' y si ainda tin cualkier pregunta, por tuma contacto cu Studenten Services na 5243100.

Mi a lanta cu amor pa bestia

Skirbi pa di un 100% Arubiano



Mi ta bira rabia ora mi lesa e postnan riba Facebook, esun nan di bestianan abandona. Siman pasa atrobe un otro post over di 7 kit-ten cu a wordo laga atras den un caha di carton, y tambe di e cachó abandona na pompstation di Paradera cu mester di un cas.. Y cuanto post mas mi mester lesa cada rato di e fundacionnan cu ta roga pa haya foster homes pa bestia trai bestia. Cada pasa un dia ta algo otro!

Mi mes ta stima mi bestianan asina hopi (nos tin 5 pushi y 1 cachó), mi no ta compronde dicon otro- nan no sa di experiencia e amor cu bo por sinti pa un bestia di cas ... e ta algo hopi real!

Mi a lanta cu amor pa bestia, semper nan tabata welcome na nos cas. Mi mama tabata y ainda ta un amante di bestia, y unda e ta, su cacho fiel Maya tambe tey. Mami ta papia cu Maya, discuti cune, razona cune, e ta sirbi Maya cuminda special prepará cu hopi amor, y anochi prome cu nan

bai drumi, mi Mama ta prepara Maya su macuto pe cu hopi cuida y atencion. Desde mucha, na cas nos a sigui su ehempel y nos a a sinja stima y cuida nos bestianan. Semper tawatin un lugar den nos hogar pa amor pa bestia, y nos no a tira nan pafor; al contrario semper nan tabata mag di ta den cas. Nos a 'dress up' e cachó cu panja, e pushi nan tawata drumi den cuna di popchi, nos a hasta wak nos pushi TikiTiki duna lus. Maar ja, esey ta e cos: e amor cu nos a sinja di sinti pa bestia a bini for di cas.

Mi mama tabatin un curason pa tur cos bibo y nos a biba y crece cu e sentimentonan aki.

Nos wela tabata mescos. Su cachó miniatura tambe tabata permiti den cas, riba scochi, den Oma Tina su brasa, y anochi e tabata drumi den aircó. Tawatin varios cachó, tur cu nomber stranjo si: Chipi, Pilin, Goliath, Djaka Preto, y Oma Tina tawata adora nan tur. Nan tawata su companjeronan

stima tanten cu e tawata na bida. E sentimentonan a pasa for di generacion pa generacion.

Sinembargo, nos tabata un famia Rubiano no mucho comun. Nos bisiñanan tabatin un cachó brabo – nan tawata lage pafor dun cura - su unico proposito tabata pa blaf si a yega hende stranjo, y nan tawata dun'é carni curu cu sanger pa hacie agresivo, segun nan. Uy, mi tabata tin un tristeza pa nan cachó.

Dus mi ta sinta pensa --- pakiko tur dia nos ta bataya cu e asunto aki di bestia abandona? Parce cu e campañanan di Spay & Neuter ta hasi casi o impacto. Y mi ta pensa esaki ta pasobra amor pa bestia mester bini for di cas! Nos ta bezig ta purba conscientiza e generacion robes! E generacion cu ta wak Facebook y cu ta tuma cachó cu pushi sin cuida nan no por wordo alcanza mas, nan no por sinja kiko ta amor pa bestia mas. Nos mester eingelijk dirigí nos energia riba e muchanan, un generacion mas jong.

For di un edad jong nos mester siña mucha stima bestia, cu bestia tambe tin sentimento, cu bestia por transformá un mal dia den un bon dia, cu bestia por comprendé nos idioma, comberti nos den mihor ser humano, cu bestia por elimina nos soledad ora nos bira grandi i nos jiunan y nietonan abandona nos.

P'esei: si bo mayor no a siña bo stima un bestia, bo por siña esaki door di educashon. E lo tarda mas cu un generacion, pero ban cuminsa awor. Cuminsa na skol, peuterschool, djey kleuterschool, djey basis, brugklas, etc, te cu universidad. Compasion humano pa bestia mester ta un enfoque repetidamente durante nos hubentud. Tin hopi manera pa encurasha esaki: kleurplaatjes, dia di hiba-bo-bestia-skol, skirbi un poema pa bo cachó, celebrá Dierendag a la grande, studia culturan cu ta adorá bestia y haña



sa dicon, laga un trainer bin skol y demonstra muchanan con inteligente cachónan ta, bishita e Dog Hotel. Y naturalmente, parti di e trayecto di educacion, tambe siña tocante sterilisashon i kastras- hon, Spay & Neuter. Pero enfoca principalmente riba e amor y ba- lor... comprension pa dicon mes- ter sterilisa y casta lo bini dimes. Otro idea nan? Ban brainstorm hunto: habri bo Dog Friendly Res- taurant, bo Crazy Cat Lady Café, emplea un Office Dog (mi conose un doño di negoshi local cu tin su mesun cachó den oficina: Queenie ta super cordial cu tur esnan cu ta bin bishita y e staff di oficina nan tur ta adore).

Dus... Nos por cuminsa educa e generacion adecua? Ban cuminsa awor pa asina e muchanan'ki por bira ser humanonan mas carin- joso, no solamente pa bestia pero pa tur ser cu ta biba! It will take time, but we can do it!

Ultimo cos: e dicho di Gandhi, "E grandesa di un nacion y su pro- greso moral por wordu huzga na e manera cu nan ta trata nan bes- tianan". Nos mester tin berguensa di nos mes como Arubiano! Nos ta un ehempel mahos. Ban cam- bia esaki!

Pustamento posibel causa: Chauffeur sin rijbewijs a bolter cu su Honda Fit

Balashi - Diadomingo anochi algo prome cu 9'or y mey di anochi polis a bay cu urgencia rotonde di Balashi pa a un accidente unda un auto a bolter.

Na yedada polisnan a topa ariba banda pazuid di e rotonde cu ta bay pa San Nicolas un Honda Fit color blauw ariba su banda.

Banda di dje un Kia Rio color shinishi cu sla banda drechi dilanti.

Na e sitio polisnan a saca afo cu chofer di e Honda tawata pustando cu otro auto.

Dado momento e lo a "perde control" y dal of pone cu e Kia Rio a bay boks tambe.

E otro vehiculo cu tambe tawata pusta a sigui su



caminda.

Chofer de Honda Fit a admiti cu e no tin rijbewijs.

Polis di trafico a presenta y mester a warda basta rato prome cu takelwagen a presenta pa a bolter e auto bek y bay cu ne.

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

Costa Rica ta un opcion atractivo pa studiantenan ku kier studia den e richting di ciencias di bida i salud

• UCIMED ta conmemora 45 anja di historia, na man di Dr. José Sprok, un rubiano, decano di e carrera di Medicina.

• Te ku awor a forma y a gradua 59 dokter di Aruba y Corsow di Ucimed i actualmente tin 36 estudiante den formashon.

E Universidad de Ciencias Médicas, UCIMED, a lidera e formashon di e profeshonalnan den salud na Costa Rica, riba nivel priva, durante e ultimo 45 anjanan y awor, den e marco di su aniversario, a dicidi di amplia e oferta académico internashonal ku e apoyo di e Grupo Galileo Global Education, ku kende a firma un aliansa na december 2022.

Den e caso di Aruba y Corsow, for di varios anjanan kaba e futuros profeshonalnan a scohe e país centroamericano, ejemplu di esaki, ta Dr. José Sprok, kende ademas di a gradua na UCIMED, actualmente ta e decano di e carrera di Medicina.

Varios factornan ta hasi ku awendia e futuro profeshonalnan ta demanda un formashon mas integral, ku un vishon global ku ta prepara e profeshonalnan pa responde riba e necesidadnan di salud di e poblashon mundial.

Esey Universidad de Ciencias Médicas, UCIMED, a comprende, y, e ta prepara pa ofrece su oferta academico, ku e rekerimentonan di e mercado laboral internashonal. E universidad ta ofrese actualmente e carreranan di: Medicina, Farmacia, Nutricion, Microbiologia y Fisioterapia, ademas di e especialidadnan pa dokternan local den Ginecologia y Obstetricia, Medicina Familiar y Comunitaria y Pediatría. Di otro banda tambe tin e Instituto de Ciencias de la Salud,

INCISA, cual ta ofrece carreranan tecnico. Además tin e master den hospital management.

E Grupo Galileo Global Education, ta e mas grandi di Europa, den educashon superior priva, ku mas di 200.000 studiantenan y 100 campus den henter mundo, mientras ku UCIMED ta e universidad líder den formashon di e profeshonalnan den ciencia di salud di regio.

Durante e anja aki, UCIMED ta prepara su mes pa incurshona den un mercado mas competitivo, pero ku ta representa un oportunidad y crecimiento i di expanshon pa UCIMED.

E aliansa aki lo hasi e intercambio academico mas grandi ku otro institushonnan importante na henter mundo, tambe den innovashon y implementashon di productonan tecnologico y plataforman educativo.

“E reto aworaki ta den forma profeshonalnan ku un vishon global, pasombra nos kier preparanan no unicamente pa e necesidadnan di e poblacion den regio, sino tambe, pa atende e requerimentonan di e mercado mundial. Tin problemanan di salud den otro paisnan den mundo y e objetivo ta ku esnan gradua di nos universidad queda capacita y bon prepara pa atende e necesidadnan aki y, ku esey, nan por amplia nan vishon y desaroya nan mes pa traha como profeshonalnan rond mundo”, Dr. Sprok a remarka.

Junto ku e acuerdo di e aliansa, nos universidad ta celebra su aniversario, recordando algún di e logronan ku a marca historia den materia di salud i educashon, na Costa Rica:

□ Prome universidad priva den ciencias de la salud, di e pais.



□ Prome universidad den firma convenio ku Caja Costarricense de Seguro Social pa formashon di specialistanan den campo medico.

□ Prome universidad di centroamerica i caribe, den obtene e acreditashon internashonal (WFME) pa su facultad di Medicina.

□ E unico universidad ku un comishon etico científico i un institushon di investigashon.

□ E unico universidad priva den forma microbiolognan.

□ Prome universidad priva, den su campo, ku tin e 100% di su carreranan acreditada pa SIN-AES.

□ E unico universidad priva ku ta hanja fondonan di gobierno pa investigashon. E area di investigashon académica, a realisa mas di 56 investigashon comproba, for di anja 2000.



Tipline: 585 9500

e-mial: solodipueblo@gmail.com



En el 2003 SINAES, LE OTORGA el grado máximo de **ACREDITACIÓN** por cumplir con las **NORMAS DE EXCELENCIA** para la educación superior, convirtiéndose en la **PRIMER UNIVERSIDAD PRIVADA** con su carrera de **MEDICINA COMPLETAMENTE ACREDITADA**.

MINISTER GLENBERT CROES A REUNI CU ACCIONA ENERGIA ESPAÑA

Acciona Energia ta un grupo global di desaroyo cu tin como punto di salida pa inverti den solucionnan sostenibel di energia nobo y renobabel pa un miho planeta.

Recientemente durante Minister Glenbert Croes su reunionnan na Hulanda cu Hydrogen Valley na Groningen, a keda palabra di lo encontra otro na Spaña unda lo reuni cu e.o. Acciona Energia pa hunto concretisa Aruba Hydrogen Valley.

Acciona Energia tin mas di 20 proyecto rond mundo, na diferente pais.

Durante su reunion cu Acciona, e mandatario Arubano a entrega na e CEO sr. Rafael Mateo, e plan di energia di Aruba y a presenta e vision di Hydrogen Valley Aruba. Tambe e mandatario a elabora riba e vision cu e tin pa e Refineria di Aruba, pa su desaroyo y restructuracion ta completamente a base di energia limpi y pa riba e propiedad di refineria destina un area pa entre otro Aruba Hydrogen Valley.



E delegacion di Aruba lo ta bishitando Mallorca den cuadro di e proyecto Aruba Hydrogen Valley. Mallorca ta e prome isla

cu a transforma pa uzo di energia limpi y sostenibel, hidrogeno.

CEO Sr. Rafael Mateo a muestra su interes den

Aruba y ta di opinion cu awo ta tempo pa logra posiciona Aruba den Caribe como e “showcase” di hidrogeno y energia renovabel.

Minister Glenbert Croes a invita Acciona Energia pa bishita Aruba y den luna di april e delegacion di Acciona Energia a confirma e bishita importante aki.

Trahadornan di e sector social y enseñansa di e isla di Saba a ser certifica pa por duna e proyecto Prevencion di Termento na Scol di Fundacion Telefon pa Hubentud Aruba

Termento semper tawata un di e motibonan principal pa contacto di mucha y hoben cu Telefon pa Hubentud na Aruba, y termento semper a aparece den e top 5 di motibo pa contacto cu Telefon pa HUBentud. Pa e motibo aki Fundacion Telefon pa Hubentud Aruba a start na Aruba na ana 2012 cu e proyecto Prevencion di Termento na Scol.

Na 2012 e proyecto a start den forma di un proyecto piloto den 8 scol basico akinan nan Aruba. Prome cu a cuminsa cu implementacion di e proyecto na Aruba, Oficina di Estadistica di Aruba a midi e comportacion di termento den e 8 scolnan basico. E estudio a muestra cu 56.6% di mucha a bisa e tempo ey cu nan ta pasa door di termento. Despues di e estudio Fundacion Telefon pa Hubentud Aruba a cuminsa implementa e proyecto den e scolnan. Na momento cu a caba cu implementacion, Oficina di Estadistica di Aruba a bolbe drenta e scolnan pa studia si por tin cambio di conducta. E estudio di Oficina di Estadistica ta muestra cu despues di a ricibi e proyecto di Fundacion Telefon pa Hubentud Aruba, e comportacion di termento a con-

oce un reduccion di 21%. Locual ta muestra cu e proyecto di Fundacion Telefon pa Hubentud Aruba ta efectivo.

Na 2016 Fundacion Telefon pa Hubentud Aruba a cuminsa cu un serie di training na docentenan di scol pa asina nan por haya conocimiento ariba e tema, sina duna e proyecto, traha ariba nan protocol pa preveni termento y a ricibi tur material di e proyecto gratis. Te cu awor aki alrededor di 34 scol preparatorio, basico y secundario a ricibi e training aki na Aruba. Tambe un scol secundario di e isla di Bonaire a ricibi e training aki na 2017 y cual su docentenan a ser certifica pa duna Prevencion di Termento na Scol na e muchanan.

Bao di e muchanan na e isla di Saba tambe por a constata cu e comportacion di termento ta halto. Debi nan esaki Fundacion Telefon pa Hubentud Aruba a ser aserka door di Openbaar Lichaam Saba pa yuda cu e problematica aki.

Di 20 di februari te cu 2 di maart ultimo Fundacion Telefon pa Hubentud Aruba tawata na e isla di SABA y a duna training na un

grupo di trahador social y di enseñansa di e isla di SABA. Despues di a ricibi e training nivel basico y nivel avansa, e trahadornan social y di enseñansa a ser certifica pa por duna e proyecto Prevencion di Termento na Scol na e isla di SABA. Awor tur mucha di e isla di SABA tambe ta bay ricibi e proyecto y asina aki lo reduci termento bao di e muchanan na Saba tambe.

E training na e trahadornan social y di enseñansa di Openbaar Lichaam SABA ta den cuadro di e 'kenniscentrum' di Fundacion Telefon pa Hubentud Aruba cu ta exportando conocimiento. Despues di 22 aña di existencia Fundacion Telefon pa Hubentud Aruba como un 'Kenniscentrum' ta exportando conocimiento na organisacionan gubernamen-

tal y no-gubernamental den region. Banda di crea conocimiento y comparti conocimiento, awor Fundacion Telefon pa Hubentud Aruba como un 'Kenniscentrum' ta bai sigui exporta conocimiento.

Fundacion Telefon pa Hubentud Aruba kier a gradici su partnersnan cu ta tuma nan impacto social hopi serio y ta inverti den nos cuminidad. Un gradicimento ta bai na Aruba Airport Authority N.V., Web Aruba N.V., Setar, The Salamander Group y Openbaar Lichaam SABA.

Pa mas informacion tocante Prevencion di Termento por tuma contacto cu Fundacion Telefon pa Hubentud Aruba via nos website: 131.aw, Instagram: Instagram: 131aruba, facebook: <https://www.facebook.com/telefon.hubentud/>, email: telhubentud@gmail.com of telefon 5886138/ 5884011.

Clasificados

Icons: car, house, shopping cart, car with X, people, and a magnifying glass.

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

Pa abona na

SOLO DI PUEBLO

Yama
585 9500
of manda nos un
e-mail na
solodipueblo@gmail.com

Entrega tur dia te den



Tratamento cu druif pa rehubenece e cuero

Cu paso di tempo, e cuero ta perde firmesa y elasticidad. Ta surgi lachi, mancha y imperfeccionnan cu ta haci'e mahos.

Si nos suma un alimentacion inadecua, poco hidratacion of hopi exposicion na solo, e situacion ta bira pio.

Bo sa con pa elabora tratamento di druif pa rehubenece bo cuero? Pa recupera e frescura y beyesa di cuero, tin alternativanan natural.

For di thee erde te na exfoliantenan casero, ta yuda debilbe e tersura y briyo.

En particular, e tratamentonan natural cu druif pa rehubenece bo cuero, ta ofrece resultadonan excelente.

Tratamentonan natural cu druif pa rehubenece bo cuero

Druif ta un potente antioxidante, cu ta combati e degradacion di e elastina y colagen. E ta yuda den e eliminacion di e celnan morto y frena embehecimento prematuro.

Esaki ta debe na su composicion di polifenol, flavonoice, resveratrol, catekina y tanino. E fruta aki tambe ta rico den acido organico manera acido citrico, tartarico y malico.

Vitaminanan A, B1, B2, B3, C y K y e mineralnan manera zinc y koper, fosforus, magnesium y potasium, ta complementa su beneficiacion.

Tur esaki ta haci cu, den e ambito di estetica, ta un excelente aliado.

Mask di druif

Bo por probecha tur e beneficiacion di druif, empleando mask y tratamentonan facial. Pa



recupera e beyesa di e cara ta hopi eficaz un potente mask di druif.

E recetanan ta numeroso, eficas, facil di prepara y economico:

Pa rehubenece

Den un recipiente, machica 15 druif. Agrega awa te logra un mescla homogeno, pero no excesivamente diki.

Tambe por raspa e mesun cantidad di druif den un recipiente y hink'e den frigidaire durante mey ora.

Despues, nos ta haci e cara bon limpi y ta aplica e receta scogi. Nos ta lag'e actua durante 20 minuut, nos ta haw'e cu abundante awa y hidrata manera di custumber.

Cu juice di druif

Nos por emplea un juice batido di druif entre e tratamentonan facial pa regeneracion di e cara.

Pa prepara e otro receta aki, nos ta blend dos cuchara di juice di druif, dos di almendra dushi y un di hariña di avena.

E crema obteni nos ta aplica na e cara y net y nos ta lag'e actua 15 minuut. Nos ta haw'a cu abundante awa lauw y nos ta seca cu un serbete suave sin frega.

Pa e hidratacion di e cuero Cu un forki, nos ta machica cinco druif y cinco cherry.

E efecto hidratante di azeta di oleifi, hunto cu su vetnan esencial y vitamina E, ta ideal pa combati embehecimento prematuro.

Pa combati e lachinan riba e cara y nek, nos ta mescla 12 druif, un capsul di vitamina E y un telep di azeta di oleifi.

E ta un eficaz humectante natural carga di antioxidante pa combati embehecimento

Tonico facial

Pa tonifica, nutri y frena embehecimento, e tonico facial aki di druif ta un idea facil pa prepara.

Nos ta blend 15 druify ta pone e juice den un recipiente. Nos ta muha un catuna cu e likido y ta pas'e na e cuero di e cara y nek.

Nos ta lag'e actua dutrante 10 minuut y haw'e cu abundante awa.

Balsamo pa lipnan seco

Si bo kier preveni pa tin kraak riba e lipnan of hidrata nan pasobra bo ta sinti nan seco, e balsamo aki ta e solucion.

Nos ta kita e cuero y simia di un druif, nos ta frega e pulpa riba e lipnan y di inmediato nos ta cuminsa sinti alivio.

E accion di e pulpa riba lipnan aki, por extende riba full e cara y nek. Nos ta frega e druif riba e



Nos ta agrega un cuchara di yoghurt natural y nos ta mescla te ora cu nos haya un pasta homogeno. Nos ta aplic e pasta riba e cara y nek y nos ta lag'e actua durante 15 minuut. Nos ta haw'a cu abundante awa y nos ta hidrata cu e crema di semper.

Contra "pata de gallo"

E lachinan mahos aki cu ta surgi net na e skina di wowo, nos por combati cu e mask aki. Solamente ta rekeri dos capsul di vitamina E y dos druif berde, cual nos tin cu saca e simianan.

Nos ta machica e fruta y ta agrega e vitamina, ta aplik'e tur dia anochi na e skina di e wowonan. Nos ta haw'e mainta tempran cu abundante awa y nos ta hidrata manera di custumber.

Cu azeta di oleifi



prematuro.

Ta lag'e actua durante 30 minuut y ta haw'e cu abundante awa.

Azeta di simia di druif

Si nos machica e simianan di 20 druif, nos ta obtene un azeta rico den vitamina C, D y E. tambe e ta posee betacaroteno, acidonan linoleico y Omega 3 y 6, pa cual e ta ideal pa regenera e cuero y aporta elasticidad.

contorno di e wowonan y boca, frenta y nek.

Despues nos ta laga e fruta reposa riba e cuero durante 20 minuut. Pa recupera e briyo di e cuero no mester inverti hopi tempo ni placa.

Esakinan ta tratamentonan natural cu druif pa rehubenece bo cuero, ta efectivo, simpel y economico. Por aplica un biaha pa siman pa miho resultado.

Minister Maduro di Finansa ta informa den cuadro di tema
A di Landspakket pa mehora finansa publico:

CONSEHO DI MINISTER TA APROBA E PLAN PA CAMBIA E SISTEMA Y E MANEHO DI SUBSIDIO DUNA PA GOBIERNO

Cambionan lo wordo haci den fase den e tempo nos dilanti



Conseho di Minister a ricibi un presentacion di e grupo di trabou di Aruba y Hulanda riba e investigacion haci riba e sistema y maneho di subsidio duna door di

Gobierno. Den cuadro di tema A di Landspakket pa mehora finansa publico, na januari 2022 a inicia e estudio y na september 2022 a presenta e resultado na Conseho

di Minister hunto cu algun recomendacion con pa haci cambionan necesario pa por yega na un sistema di subsidio mas eficiente, eficaz y transparente na Aruba. Siman pasa Conseho di Minister a bay de acuerdo cu e plan di mejoracion y denter di poco lo cuminsa cu e trabounan pa por implementa e recomendacionnan den fase den e tempo nos dilanti. Aki ta sigui un bista di e resultado di e investigacion, e recomendacionan y e plan di accion.

Subsidio fragmenta
Resultado di estudio riba subsidio ta muestra cu tin 47 instancia cu ta haya subsidio di Gobierno. Na aña 2020, por ehempel, Gobierno

a brinda 55 miyon na subsidio na e instancianan aki. E grandura di instancia ta diferencia y subsidio cu ta wordo duna ta fragmenta. Tin varios organisacion cu ta ricibi sumanan chikito y cu ta depende gran parti riba Gobierno pa haya entrada pa cubri nan gastonan. Por lo general e posicion financiero di instancianan cu ta ricibi subsidio ta stabiel.

Maneho no ta cuadra cu ley
E maneho actual di subsidio ta uno ambiguo unda cu e punto di salida ta e maneho stipula na aña 2016, e asina yama 'output subsidiestelsel', di locual maneho no ta debidamente ancla den ley. E ley vigente actual ta data di aña 1990 y ta aplicabel ainda. Esaki a conduci na e situacion ambiguo unda cu maneho y e base legal pa cu esaki no ta cuadra cu otro y ta conduci problema cune den practica.

Sistema no ta eficiente y efectivo
E estudio tambe a revela cu tin menos atencion pa e aspecto di efectividad y eficiencia ora ta otorga subsidio pa ehecuion di tareanan publico. E estudio ta indica cu otorgamento di subsidio di parti di Gobierno a bira mas un automatismo unda cu temanan di eficiencia y efectividad no ta ricibi e atencion necesario.

Adicionalmente ta indica cu masha poco ta desconta sumanan cu a wordo duna di mas na e instancianan. En general e conclusion di estudio ta cu ta necesario pa Pais Aruba reforsa y reforma su maneho di subsidio.

Continua Pag. 25

**PUEBLO A HAÑA SU
PEN BEK**

Pa kualkier informacion
solodipueblo@gmail.com
of
☎ 585-9500

CONSEHO DI MINISTER TA APROBA E PLAN PA CAMBIA E SISTEMA Y E MANEHO DI SUBSIDIO DUNA PA GOBIERNO



Continuacion Pag. 24

Recomendacionan

Ta recomenda pa Gobierno bay enfoca mas riba eficiencia y efectividad ora di duna subsidio. Mester tin un miho seperacion entre maneho y ehecucion. Tambe ta recomenda pa haci tumamento di decision pa otorga subsidio mas explicito y pone rekisito realistico como condicion. Un enfoke a largo plaso tambe ta wordo considera esencial. Ta recomenda pa duna departamentonan crucial di Gobierno un papel mas prominente ora ta trata tumamento di decision y unda cu Departamento di Finansa tin un posicion cardinal pa locual ta coordinacion di maneho di subsidio. Ta esencial pa evalua e relacion cu instancianan cu ta haya subsidio. Mester

percura pa condicionan basico ta presente y mester por duna cuenta riba e subsidio ricibi. Asina ta preveni cu otorgamento di subsidio automatico, inefectivdad y ineficiencia ta wordo traspasa pa e maneho nobo di subsidio di Gobierno.

Plan di accion

E plan cu Consejo di Minister a aproba ta pa haci cambio di e sistema y maneho di subsidio den algun fase den e tempo nos dilanti. Asina lo cuminsa na apunta un persona pa guia e cambionan y lo apunta na cada departamento envolvi esnan responsabel. Lo haci un 'inhaalslag eindafrekeningen' pa por tin bista si Gobierno a duna placa dimas of di menos. Lo haci un 'herijking van de bestaande subsidiërelaties' pa asina hunto cu e instancianan traha riba e relacion, necesidad y proceso pa yega

na e subsidio. Despues lo traha riba e cambionan pa un maneho y sistema nobo di duna subsidio den e fase di 'invoering van een nieuw subsidiëstelsel,' y finalmente lo traha riba e 'consolidatie van de

instellingen' den cual ta agrupa e instancianan pa asina e peticion, otorgacion y uzo di subsidio por bay mas eficiente y eficaz. Ta cambionan grandi cu den e tempo nos dilanti lo bay wordo implementa.



NUMBER 3



Paardenbaastraat 10, Oranjestad, Aruba Tel.: (297) 525 - 7555

www.lottoaruba.com

Resultado : Sorteo 27 Maart 2023 Merdia

CATACHI	LOTTO 5	
Sorteo # 3867	Sorteo #	Joker Letter
2634	0 x Jackpot	Proximo Jackpot
2564	0 x Match 4+	700.000,-
0482	0 x match 4	
X3	0 x Afl. 12,00	
BIG 4		
Sorteo # 3867	Sorteo #	Proximo Jackpot
4929	0 x Jackpot	53.000,-
	0 x Match 4	
	0 x Afl. 8,00	
DFF		
Sorteo # 1923	Sorteo #	Mega Ball:
3602	0 x Jackpot	Proximo Jackpot
	0 x match 4	390.000,-
	0 x Afl. 500,00	
	0 x Afl. 50,00	
	0 x Afl. 15,00	
ZODIAC		
Sorteo # 3867	MEGA	Afl. 490.000,-
3156		
Aries		
LUCKY 3		
Sorteo # 741	KORSOU	
050	Sorteo #	
X2		



Paardenbaastraat 10, Oranjestad, Aruba Tel.: (297) 525 - 7555

www.lottoaruba.com

Resultado : Sorteo 25 Maart 2023 Anochi

CATACHI	LOTTO 5	04-06-24-33-34
Sorteo # 7901	Sorteo #	Joker 22 Letter H
9836	0 x Jackpot	Proximo Jackpot
9111	0 x Match 4+	700.000,-
3890	0 x match 4	
X2	268 x Afl. 12,00	
BIG 4		
Sorteo # 6945	Sorteo #	Proximo Jackpot
3249	0 x Jackpot	52.000,-
	3 x Match 4	
	131 x Afl. 8,00	
DFF		
Sorteo # 1650	Sorteo #	Mega Ball:
6741	0 x Jackpot	Proximo Jackpot
	0 x match 4	390.000,-
	0 x Afl. 500,00	
	0 x Afl. 50,00	
	0 x Afl. 15,00	
ZODIAC		
Sorteo # 5704	MEGA	Afl. 490.000,-
6659		
Libra		
LUCKY 3		
Sorteo # 634	KORSOU	
575	Sorteo #	
X2		



Paardenbaastraat 10, Oranjestad, Aruba Tel.: (297) 525 - 7555

www.lottoaruba.com

Resultado : Sorteo 26 Maart 2023 Merdia

CATACHI	LOTTO 5	
Sorteo # 3866	Sorteo #	Joker Letter
7814	0 x Jackpot	Proximo Jackpot
5084	0 x Match 4+	700.000,-
7191	0 x match 4	
X2	0 x Afl. 12,00	
BIG 4		
Sorteo # 3866	Sorteo #	Proximo Jackpot
3000	0 x Jackpot	53.000,-
	1 x Match 4	
	70 x Afl. 8,00	
DFF		
Sorteo # 1922	Sorteo #	Mega Ball:
3432	0 x Jackpot	Proximo Jackpot
	0 x match 4	390.000,-
	0 x Afl. 500,00	
	0 x Afl. 50,00	
	0 x Afl. 15,00	
ZODIAC		
Sorteo # 3866	MEGA	Afl. 490.000,-
6472		
Piscis		
LUCKY 3		
Sorteo # 740	KORSOU	
84815	Sorteo #	
FP		

LEY CU TA LIMITA UZO DI PRODUCTIONAN DI

TABACO

PROTEHANDO **SALUD** PUBLICO

6 Ta prohibi pa vende of duna productonan di tabaco na personanan bou di 21 aña

SOLO De Pueblo HALA ROSEA LIBREMENTE



PRONOSTICO DI TEMPO

PRONOSTICO DI TEMPO

VALIDO TE DIAMARS 28 DI MAART 2023, 18:00 ORA

TEMPO:

AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE NUBLA CU UN
POSIBLE AWACERO PASAJERO

TEMPERATURA MÁXIMA 31 GRADO CELSIUS

TEMPERATURA MÍNIMA 25 GRADO CELSIUS

ÍNDICE DI CALOR (ÍNDICE DE CALOR) DEN Y ROND
DI ORANAN DI MERDIA: 32 PA 35 GRADO CELSIUS

ÍNDICE UV: 12

BAHADA DI SOLO : 6:51 PM

SUBIDA DI SOLO : 6:39 AM.

BIENTO: MODERA TE BASTA FUERTE PARA DI DIRECCION
GENERALMENTE OOST;

FORSA 4 TE 5 (20 TE 39 KM/ORA, 11 TE 21 NUDO)

DEN DIA FUERTE TE DURO DEN RAFAGA:

FORSA 6 TE 7 (40 TE 61 KM/ORA, 22 TE 33 NUDO)

SITUACION GENERAL DI TEMPO PA PROXIMO 24 ORA:

NO TA SPERA MUCHO CAMBIO DEN E TIPO DI WEER
CU TIN ACTUALMENTE. NIVELNAN MAS ABOUDI
ATMOSFERA TA SECO, LOKE TA STROBA DESAROYO
DI NUBIANAN CU POR PRODUCI AWACERO. NO UN
SPERA AWACERO DI IMPORTANCIA DEN PROXIMO

24 ORO.

CONDICIONAN MARITIMO/ ESTADO DI LAMA:

NA PARTINAN PROTEJE DI COSTA: LEVE, ROND DI 1 PIA.

NA PARTINAN ZUID: TRANKIL TE MODERA, ENTRE 1 PA 2 PIA.

NA PARTINAN OOST TE NOORDWEST DI COSTA:

MODERADO LOCALMENTE POCO BRUTO, ENTRE 5 PA 7 PIA
LOCALMENTE E POR JEGA 8 PIA.

AVISO/ ALERTA:

UN AVISO PA BOTO CHIKITO PA PARTINAN OOST TE NOORDWEST
DI COSTA TA NA VIGOR.

TA SUGERI OCUPANTENAN DI BOTO CHIKITO PA BAI CU
CAUTELA RIBA LAMA HABRI.

ESPECIAL FENOMENONANO:

NINGÚN

POTENCIAL DI AWACERO PA PRÓXIMO 24 ORA:

MENOS DI 1 MM; LOCALMENTE ESAKI POR TA DIFERENTE.

REGISTRO DE TEMPERATURA (GRADO CELSIUS) Y

AWACERO (MM) DEN ULTIMO 24 ORA (8'AM PA 8'AM):

AEROPUERTO : MAX 31 / MIN 25 / 0.0 MM

PUNTA OESTE: MAX 31 / MIN 26 / 0.0 MM

STA ROSA: SIN DATOS DE ESTAÑO

PRONOSTICO DI TEMPO PA PROXIMO 3 DIANAN:

LEVE TE PARCIALMENTE NUBLA CU UN AWACERO PASAJERO.

BIENTO LO TA FOR DI DIRECCIONAN OOST Y MODERA TE

BASTA FUERTE, FUERTE TE POSIBLEMENTE DURO DEN RAFAGA;

TEMPERATURA (GRADO CELSIUS) MAX / MIN LO TA: 32 / 26

NO DRENTA DEN NINGUN
ORGANISACIONNAN
SATANICO



No drenta y no bira miembro
di nan asambleanan satanico.

No haci huramentonan na sa-
tanas. Bijbel ta bisa, Mateo 5:
33 – 37; “Mescos tambe boso
a tende cu ta bisa na boso an-
tepasadonan: Lo bo no hura
falso, ma lo bo tene bo hura-
mento den Cara di Senjor. Ma
AMI ta bisa boso, pa no hura
pa ningun motibo, ni pa Cielo,
pasobra Cielo ta trono di
Dios. No hura ni pa tera, pa-
sobra esaki ta banki di Su pi-
anan, ni pa Herusalem, pasobra
esaki ta e ciudad di e gran
Rey. Tampoco pa bo cabes,
pasobra bo no por haci nin-
gun draachi di bo cabeï preto
ni blanco. Laga bo si ta si y
bo no ta no. Tur loke bo pone
acerca ta bini di satanas.” Es-
nan den organisacion, nan
ta nenga cu Cristo-Hesus ta
Senjor y Salbador y nan ta
bay na nan mes destino riba
nan mes manera. Bijbel ta
bisa, Huan 14: 6 ; “Hesus ta
contesta: AMI ta caminda,
berdad y bida.

Ningun hende no ta yega cerca
Tata, sino pa medio di Mi.”
Esnan den organisacionnan,
nan ta ignora e Bijbel di Dios.
Bijbel ta bisa, 2Timotheo 3:
16 y 17; “Tur loke ta para scir-
bi den Escritura, a keda inspi-
ra pa Dios y ta util pa instrui,
refuta, coregi y pa educa hen-
de pa husticia, pa un homber
di Dios sea perfecto, comple-
tamente prepara pa tur bon
obra.” Esnan den organisa-
cion, nan ta adora diferente
diosnan pagano. Bijbel ta bisa
den Exodo 34: 14; “No adora
ningun otro dios, pasobra
Senjor ta un Dios celoso y E
no ta tolera ningun otro dios.
P’esey no cera ningun comb-

enio cu e habitantenan di e
paise y.” Den e di Prome Man-
damento di Dios ta bisa: “Di
stima y adora bo Senjor y bo
Dios di henter bo curason, di
henter bo alma, di henter bo
sentir, di henter bo ser y mas
cu tur cos den mundo.” Esnan
den organisacion, nan ta ne-
nga di menciona e nomber di
Hesus den nan asamblea. Bij-
bel ta bisa den Phillipensenan
2: 10 y 11; “Pa cu den Nomber
di Hesus tur rudia lo dobla, di
habitantenan Celestial, habi-
tantenan terenal y spiritonan
infernai y tur lenga lo profesa
na honor di Dios Tata; Hesu-
Cristo ta Senjor.”

Na esnan den organisacion
cu ta haci pactonan satanico
y nan ta wordo marca riba
curpa cu e number 666. Den
Bijbel ta bisa den Apocalipsis
14: 9 – 11; “E di tres Angel a
selama na boz halto: Kende
cu adora e bestia y su ima-
gen y laga pone e marca riba
su frenta of su man, esun ey
lo bebe di e binja di Dios Su
rabia, cu ta prepara puro den
copa di Su ira y lo e keda tor-
menta cu candela y zwavel di-
lanti di Angelnan, Santonan y
di E Lamchi. Y huma di nan
tormento ta subi bay halto
den siglo di siglonan.

Ni di dia, ni anochi nan no
tin sosiego na esnan cu ta
adora e bestia y su imagen y
kende cu ta acepta e marca
di su nomber.” Bijbel ta bisa
den 1 Corinthionan 10: 21 y
22; “Boso no por bebe for di
copa di Senjor y tambe for di
copa di demonionan, boso no
por participa na mesa di Sen-
jor y tambe na mesa di demon-
ionan. Acaso boso kier pro-
voca Senjor? Bosonan ta mas
fuerte cun’E?

Clasificados

 AUTOS  INMUEBLES  ARTICULOS  NEGOCIOS  SERVICIOS  EMPLEOS

 **SOLODIPUEBLO@GMAIL.COM**

 **585 9500**

 **www.SOLODIPUEBLO.com**

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Koningin Wilhelmina Fonds	582-0412
Fundacion pa nos mucha nan	583-4247



Obituario



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia
Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554 puntra pa
Jamila Henriquez**



Oracion di dia

Un feliz dia cu hopi bendicion, fe y speransa den nos Bon Dios.

‘.....Ora boso halsa Yiu di Hende, boso lo sa cu ‘AMI TA’ y cu Mi
no ta haci nada riba Mi mes’.(Huan 8, 28)

Rumannan E Palabra ta recorda nos awe cu nos ta di e mundo
aki y Cristo Hesus no. Cristo cu a biba aya riba cerca Su Tata, a
bin na mundo cerca nos pa siña nos con pa biba segun Esun cu
a mand’E. Cristo Hesus ta bisa cu El a bin pa cumpli cu loke Su
Tata a siñ’E y biba na Su agrado. E palabra AMI TA nos por haya
tempo cu Dios mes a papia cu Moises na sero di Horeb pa e bay y
saca Su pueblo for di Egypto. Dios a bisa Moises pa bisa e Isra-
elitanan cu Esun cu yama AMI TA a mand’e cerca nan. Aki E ta
referi na Su mes.Hesus ta uza AMI TA como cu E ta e Yiu di Dios
y E ta Dios. P’esey nos ta yama pa kere den Hesus y biba dunando
E tur Honor y Gloria.

Oracion: Nos Tata santo, nos Tata di amor y misericordia. Nos ta
yama Bo danki, danki pa semper muestra nos Bo amor, Bo gracia y
Bo misericordia. Nos ta bin Bo dilanti keriendo cu Bo ta Dios, Bo
ta Rey y Señor. Nos ta desea y haci nos esfuerso pa hiba un bida
cu ta agrada Abo. Danki Tata pa tur cos den e nomber di Bo Yiu
Hesus. Amen.

E DIES MANDAMENTONAN DI DIOS PA NOS SA KIKO TA PIKA

1.

Stima y adora bo Senjor y bo Dios di henter bo curason, di henter bo alma, di henter bo sentir, di henter bo ser y mas cu tur cos di mundo y stima bo prohimo manera bo mes.

Akinan nos mester stima Dios mas cu nos mes y mas cu nos famia.

Den e Ley di Dios aki ta prohibi nos di kere y di participa, den bruheria, den medium, den diosnan falso, den organisacionnan satanico, den illuminatienan, den reiki, den reincarnacion, den pactonan satanico, den hypnotismo, den horoscopo, den yoga, den quija board, no pone tatuahenan riba curpa, no marka e 666 riba curpa, no comete sacrilegio etc. E mesun ley di Dios ta bisa tambe, di stima bo prohimo manera bo mes. Akinan nos mester stima e pobernan, e chollernan, e drogadictonan, e handicapnan, esnan mentalmente malo, bo enemigonan, esnan di tur rasa y religion.

2.

No usa e nomber di Dios sin mester.

No menciona e nomber di Dios den bo dichonan y jokenan bulgar, den bo palabranan di blasfemia, den bo palabranan malo.

3.

Santifica dia di Senjor. E dia di santificacion ta riba Diadomingo dia cu Cristo-Hesus a resucita. Diadomingo ta dia di descanso y e no ta un dia di traha den trabao.

Diadomingo ta un dia di famia na unda tata y mama ta tuma tempo pa nan yiunan y tambe di bishita famianan.

Diadomingo ta dia di Senjor na unda tur hende ta bai Misa, pa Santifica Dios Su dia den e Santa Eucaristia. Akinan nos ta sigi recorda Cristo Hesus Su Pasion, Su Sufrimento, Su Agonia y Su Morto na Crus te dia E bolbe bini. Den e Santa Eucaristia nos ta ricibi E Curpa y E Sanger di Cristo-Hesus pa nos por tin bida eterna. Lucas

22: 19/20, Huan 6: 53/54.

4.

Honra bo tata y bo mama. Dios kier pa nos obedece nos tata y mama, pasobra Dios ta conseha nos y spierta nos pa medio di tata y mama. Yiunan cu ta tende y ta obedece nan tata y mama, nan lo haya e pas y e Felicidad den nan bida, den nan matrimonio y den nan famia. Yiunan soberbia cu no ta honra nan tata y mama, nan bida lo bira desaregla y nan matrimonio lo fracasa. Yiunan, cuida boso tata y boso mama te dia cu Dios yamanan.

5.

No mata. Akinan nos mester respeta bida di tur ser humano. Ta Dios tin nos destino den Su man, pa laga e mundo aki. No comete crimen, no comete suicidio, no comete abortus, no comete euthanasia.

6.

No comete adulterio. Dios ta uni e pareha den un solo curpa den e Sacramento di Matrimonio den Misa y Dios no ta

reconoce divorcio, Marco 10: 6-9. Na esnan cu a divorcia y ta bay biba cu otro persona, nan ta comete e pika di adulterio, Mateo 5: 31/32. Cristo-Hesus ta bisa, cu ningun di esnan cu ta comete e pika di adulterio, nan lo no drenta den e Reino di Dios, 1Corinthionan 6: 9/10.

7.

No horta. Akinan nos mester respeta propiedadnan di otro, pasobra ta Dios ta duna nos tur loke cu nos tin mester pa biba.

8.

No lanta falso testimonio riba bo prohimo. Ganjamento y haci redonan falso ta un pika grandi. No instiga otro cu falsedad, no yena otro cu rabia y odio, no tuma consejo di personanan pecador y desvia.

9.

No comete e pika di fornicacion y pika di deshonesto. E pika di fornicacion ta e relacion sexual prohibi pa Dios, cu ta e pika di curpa. Esaki ta esnan cu ta haci libertinahe sexual, esnan cu ta biba companja, esnan cu ta

casa pa Raad so, e prostitutan, e abusadornan sexual. Den 1 Corinthionan 6: 9 / 10, Cristo Hesus ta avisa, cu ningun di esnan den fornicacion, nan lo no drenta den e Reino di Dios. E pika di deshonesto, ta e hombernan cu a kita nan tradicion natural pa bira homosexual y muhernan a cambia nan tradicion natural pa bira lesbiana. Muhernan a cambia e tradicion natural pa esnan contra naturalesa.

Mescos hombernan a kita e tradicion natural cu muher y a inflama nan mes den pasion cu homber. Romanonan 1: 26/27, Levitico 18: 22, Levitico 20: 13. Den 1 Corinthionan 6: 9/10, Cristo Hesus ta avisa, ningun di esnan den e pika di deshonestidad, nan lo no drenta den e Reino di Dios.

10.

No codicia cos di otro hende. No codicia loke cu no ta di bo. No codicia e muher di otro, no codicia e homber di otro, no codicia su propiedad, no codicia su beneficienan. No sea envidioso, no sea avaricia, no sea soberbia y no sea lujuria.



Gradicimento y Invitacion

Den nomber di full famia Navas y Flanegin ta gradici tur esnan cu di un manera of otro a muestra nan atención y cariño durante bida, fayecimiento y despedida di nos defunto stima:



Susanna Navas-Flanegin

Mihor conoci como: "Chanita"

Un danki special na:

dokter di cas Dr. Horenbeek

Lola Geerman di Wilhelmina Kankerfonds

Sra. Eloiza Koolman pa su cariño y oracion.

Tambe na Ad Patres Funeral Home pa su bon servicio y atención.

Alavez nos kier haci invitacion pa compañía nos pa 8 anochi di resamento di Rosario na Jan Flemming 13A pa 7:30pm.

Riba ultimo dia cual lo ta diaranson, 29 di Maart 2023, lo tin un santo sacrificio di misa na Misa Immaculada concepcion pa 7pm y despues un oracion na cas.

Boso palabranan di consuelo lo keda semper graba den nos curason.



"DUDAS"

Pakiko bo ta duda di mi existencia jen di miedo i temor ta temORIZABO cuanto biaha mi no a pidi bo confia den mi i asina dunabo tur mi apoyo. Cuanto biaha bo a lubida cu ami tey pa consola bo curason jen di tristesa ora ta orando ami ta sinta mey mey scuchando bo bos pidiendo judansa. Tin biaha mi ta mirabo tur disgusta ni sikiera un bon dia bo ni a dunami pa bo tur cos a bai malo i aki duda a drenta bo curason sin consultami. Mi yiu stima corda cu ami ta Amor mi Paz mi yiu homber a entrega pa kita tur tristesa, miedo i dolor creando speranza pa sigui truinfa. Nunca duda den mi promesanan rikesa i banidad no ta pa eternidad si bo sigui confia den mi palabranan tur bo sonjonan mi lo haci realidad.

"PALABRA DI DIOS."

Duda ta un obstaculo pa ricibi respuesta di nos TATA CELESTIAL.

Mateo 14:31 / Exodo 32:1

Autor: Omaira I. Rodriguez-Britten

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

DOWDepartamento di Obra Publico
ta anuncia fayecimento di*Freddy Boekhoudt*

26-3-1965 | 22-3-2023

E acto di despedida lo tuma lugar
diaranson 29 di maart 2023 di 2'or pa 4'or na Aurora
Funeral Home na Cumana.Nos kier extende nos mas sincero
palabranan di condolencia na Freddy su casa,
yiunan y demas famia.

Hopi forsa den e dianan dificil aki.

Cu nos colega y amigo Freddy sosega na paz.

**PLUS**
Accountants
THE FOCUS IS ON YOU**PLUS**
Accounting
24/7 and paperless**PLUS**
Payroll & Tax
We care about you!

Gerencia y personal di PlusAccountants N.V. ta anuncia fayecimento di

**Sr. Freddy Boekhoudt**

Mihor conoci como "Eddy of Papa"

Ruman di nos colega Sra. Angeline (Edith) Boekhoudt.

Nos ta extende nos mas sincero condolencia na Edith y demas famia
den e momentonan dificil aki.

Cu Sr. Freddy Boekhoudt sosega na Paz.

**DOW**En conexion cu entierro di nos colega
diaranson 29 di maart 2023*Freddy Boekhoudt*Infragebouw lo ta cera di
7:30 am pa 12:00 pm

DOW lo ta cera pa publico ful dia.

Nos ta pidi nos disculpa
pa e inconvenienca

Directiva di Aruba Sport Unie

tin e tristo deber di anuncia fayecimento di

Sr. Freddy Boekhoudt, miho conoci como Eddy of Papa

ruma di nos Presidente Sra. Soraida Boekhoudt

Cu Eddy su alma haya sosiego eterno



8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

Sopi di Letranan

C	X	Y	N	S	X	U	M	Q	E	G	E	G	E	T	R	C	F	C	X	I	M	B	D
H	Z	Z	E	S	M	O	U	L	W	V	P	S	W	A	F	R	V	K	B	O	M	N	A
J	C	O	P	L	B	P	B	P	G	A	X	Y	T	I	N	O	N	K	U	A	A	O	P
N	I	C	K	Y	B	M	B	R	O	U	T	D	H	E	J	T	Y	X	E	L	A	Z	V
W	O	X	T	L	A	I	A	H	W	Z	K	N	R	W	H	C	Q	C	S	A	A	O	W
R	H	X	G	N	G	V	D	T	A	J	O	E	Y	U	Z	I	X	R	Q	X	V	M	T
I	K	U	O	F	E	I	K	I	Y	L	I	Y	E	Y	M	V	E	T	T	G	P	I	O
U	W	O	Z	N	H	D	J	F	Q	V	P	E	U	T	P	A	H	H	F	E	A	I	F
W	C	H	L	L	T	K	R	F	Q	A	P	D	N	A	R	G	N	Y	H	D	G	Q	M
I	B	V	J	P	U	O	I	I	J	Q	N	I	C	K	W	R	T	M	A	M	M	Y	V
L	E	P	V	X	G	O	R	R	C	N	T	T	O	I	L	L	E	L	D	T	E	Z	P
B	I	B	D	N	O	C	N	G	F	R	M	H	K	P	U	I	C	T	N	H	Q	V	V
U	D	I	A	N	A	K	H	H	T	I	Z	J	J	Z	J	U	I	I	U	I	S	V	X
R	G	V	X	M	I	I	T	W	G	T	E	E	P	T	P	B	O	J	B	I	J	T	S
J	J	D	G	D	K	W	T	V	L	N	K	G	Q	H	G	P	T	C	A	A	I	F	H
A	U	E	R	D	U	G	Y	S	N	K	I	N	N	A	Y	C	C	H	R	S	D	N	Y
V	K	N	A	S	B	J	Q	Y	A	J	G	H	B	S	Z	A	R	A	R	T	A	R	L
S	Y	M	N	D	I	M	C	Y	B	B	L	E	S	D	N	N	E	R	A	R	D	O	G
L	H	A	N	B	B	U	T	G	V	L	E	O	I	B	N	Q	N	L	N	I	F	N	W
Z	K	R	Y	Q	X	M	L	X	F	G	M	S	E	D	C	K	R	O	J	D	I	N	K
Y	B	K	F	I	C	M	Q	V	S	I	S	R	L	S	A	K	U	T	S	O	C	O	K
X	T	R	B	S	A	Y	K	O	D	O	R	U	V	E	J	W	T	T	A	A	P	C	G
A	E	I	H	P	O	S	M	J	R	A	O	P	G	K	D	N	L	E	B	G	D	O	K
R	K	I	N	G	S	T	O	N	P	T	A	T	H	R	A	B	K	T	R	O	Z	W	O

Turner
Elliott
Dibley
Sydney
Mossy Point
Tathra
Coonamble
Guthega
Canberra
Cook
Griffith
Kingston
Narrabundah
Oconnor
Denmark
Nicky
Adie
Wilbur
Jenny
Grandpa
Nick
Nozomi
Kinna
Ibuki
Alex
Sebastian
Victor
Charlotte
Diana
Granny
Mummy
Sophie
Astrid

— el pasado —

terminó anoche

HOY

es otro día

DISFRUTA

todo lo posible

Y SE FELIZ